

UNYADZIWA NGA

NTHANI HA VHANGA LA IPFI

 Ndi a ni livhuwa, Murathu Neville. [Murathu Neville u ri, "Amene."—Mudz.]

Nda ri kha Murathu Neville, "Inwi ni na ngoho ya uri a ni na na ndodzo ḥukhunya matsheloni ano?"²

² Ndi tsela fhasi u rabelela vhalwadze. Ho vha na vhathu vhe vha kuvhangana kha hune ra... zwa nga matshelonitsheloni a Swondaha. Zwine nda tea u fara heneffho, ndi tou vha navho hafha kha tshivhidzo. Huno nne—nne tshifhinga tshothe ndi elekanya uri ndi khwine u rabelela vhalwadze u mona hothe na tshivhidzo. A thi ḫivhi. Ndi takalela tshivhidzo, huno u tsela fhasi hafha hune tshivhidzo, vhathu ngeno nn̄a vha vha tshi khou rabela.

³ Huno ho vha hu na musidzana muṭuku ngei murahu, musidzana muṭuku o nakesaho, mulandu, ndi elekanya uri o dzula huṇwe fhetħu ngeno nn̄a zwino, arali vhathu vha songo ya hayani. Oo, ndi a vhona zwino. Huno itsho ndi tshithu tsho nakesaho tshiṭuku. Huno u a lwala nga maanda. Huno ro vha ri tshi khou thetshelesa, musi ri tshi pfa mulaedza nga ha dzindimi na thalutshedzo zwi tshi da phanda. Huno ro vha ro thetshelesa, huno ro elekanya uri ro pfesesauri tshiñwe tshithu tsho ambiwa nga ha musidzana muṭuku. Huno ro vha ro lindela u vhona arali Murena o nea mulaedza, zwine zwa tea u ambiwa ngomu heneffho. Fhedzi ndi elekanya uri musidzana muṭuku o luga tshothe zwino, huno u khou yo vha na mutakalo. Huno ngauralo...

⁴ Huno ho vha hu na mufumakadzi we a vha a sa vhone, nahone, huno ro vha ri tshi khou mu rabelela. Huno muṇwe munna ngomu ha ambulentsi ngei nn̄a, mushumeli. A thi humbuleli uri uyo munna u do vha o lemela phaundu dza furaruthanu, kana dza fuiña. Fhedzi—fhedzi nga maanda, nga maanda... Huno ngauralo ndi tsela fhasi u vha rabelela.

⁵ Huno tshiitisi ndo vha ndi tshi nga ndi a timatima, nga maanda, u phetshiwa ha wela fhasi hu tshi bva kha iṇo ḥanga. Huno ndi khou dildizela khombole, matsheloni ano, u budekanya afho fhetħu kha iṇo ḥanga heneffho, nga phanda ha heneffho. Huno vha a mmbudza zwino uri ndi tea u vha nao fhasi, huno khephe dza vhewa nga n̄ha hao. Huno ngauralo uvhu vhualuwa vhu khou dzhena, ndi tshone tshithu tshine nda tshi ḫivha. Huno ndo vha na u phetshiwa kha iļo lithihi, huno ha nga ndi hafu yalo, huno musi ndi tshi thoma u amba, inwi ni nga kona u zwi

pfa, muya u nga u a sukumedzela nn̄da, inwi—inwi ni a divha zwine nda amba, nn̄da u budekanya meme dza milomo yan̄. Huno zwi ni ita u nga a ni kon̄i u amba, ngauralo.

⁶ Riñe nga ngoho ri vhathu vho tondwaho u vha vha tshilaho nga matsheloni ano, na u kona u da tshivhidzoni. Huno nga aya madekwana a phanda ha Khushumusi, ro lindela u pembela hune vha vha naho, hune, ndi—ndi a fhulufhela ndi... Hu na vhana vhanzhi nga maanda fhano matsheloni ano, ngauralo ndi do tou fhumula. Ni a vhona? Huno riñe vhaaluwa, zwiñwe zwifhinga, ri amba zwithu zwine vhana vha sa tee u zwi pfa, inwi ni a divha.

⁷ Fhedzi, ndi elekanya uri tshivhidzo tshi na tshifhiwa tshiñku fhano tsha vhana vhañku, nga murahu ha tshifhinganyana. Ndo vha ndi tshi khou tshi sedza, ngei murahu. Oo, inwi ni ḥoda u dzula. Nga murahu ha tshikolo tsha Swondaha, inwi ni tou farelela, ni a vhona, ngauri ndi—ndi elekanya uri vha na zwiñwe zwifhiwa ngei murahu zwa vhatu vhañku, u nea nga matsheloni ano. Huno musi ndi... Vhoinwi vhatu vhañku, elelwani, musi ri tshi khou ita izwi, ndi ḥoda u ita uri izwi zwi pfale, a si Santa Claus, ngauri iyo ndi nganea ine liñwe duvha ni do guda uri a si tshithu khayo. Fhedzi i bva kha Yesu Kristo, Ngoho ya mafhungo-ngoho othe, inwi ni a vhona, Murwa wa Mudzimu. Huno ri khou ni nea itsi tshifhiwa tshiñku, nga matsheloni ano, ngauri ndi u ni divhadza uri nga tshiñwe tshifhinga Mudzimu o nea tshifhiwa tshihulwanesa tshe tsha vha tshi tshi nga newa lushaka lwa muthu: Murwa Wawe. Huno ri na ndila i ḥungufhadzaho, ri tshi i bulu. Huno a hu na tshithu tshine ri nga nea tsha u vhambedza na iyo. Fhedzi sa vha faho, muñwe kha muñwe, ri ita izwo.

⁸ Zwino, ndo vha ndi tshi khou yo lindela u swika nga Swondaha i ḥaho. Huno hu na khonadzeo ya uri ndi do funa, naho zwo ralo, kha tshiñwe tshithu tshe nda ḥoda u amba. Huno tshiñwe tshithu tsho—tsho divhadziwa kha riñe, nt̄ha hayani, tsha bono, line nda fanela u li tevhela. Huno li nga... Li nga, li vphonala, li do nga u sa suvhelela, fhedzi riñe na khathihi a ri ḥodi u elekanya uri izwi zwine Mudzimu a amba a zwi suvheleli. Mihwalo Yawe—Yawe a i lemeli.

⁹ Huno zwi tshi vha izwo Swondaha i tevhelaho, Mudzimu a tshi funa, ri khou yo vha na tshu—tshumelo fhano ine ya tou vha phanda ha Madekwana a Nwaha Muswa, arali Murena a takadzwa nga riñe u vha na iyi tshumelo. Huno ri ḥoda u vha na tshumelo ya nga matsheloni, thabelo ya vhalwadze, nahone khamusi tshumelo ya ndovhedzo. Zwenezwo nda elekanya, u i kunguwedza nn̄da kha khonani dzashu, uri vha kone u dzhena ngomu. Zwenezwo ri do vha na nga matsheloni a Swondaha na vhusiku ha Swondaha. Huno zwenezwo vhatu vha ḥoda u dzulela la Nwaha Muswa, zwenezwo ri na... Ri khou yo

vha na U sedza, nga tshino tshifhinga? [Murathu Neville u ri, "Ee."—Mudz.]

¹⁰ Hu do vha na vhashumeli vha tshivhalo fhano, vha no do vha vha tshi amba vhusiku ha Nwaha Muswa, thwii u swika vhukati ha vhusiku. Huno—huno ri ramba vhashumeli vho raloho uri vha de huno vha ambe. Murena a tshi funa, ndi ḥoda u vha muñwe wavho vhane vha na tshiñwe tshithu tshire vha nga amba nga vhusiku ha Nwaha Muswa.

¹¹ Huno zwenezwo Swondaha i ḫaho, ndo elekanya uri ndi do ḫisa muduba wa zwithu zwi no khou itiwa, zwe zwa itiwa, nda sumbedza nga ndila ine Mudzimu a khou shuma na vhathe Vhawe, huno nda zwi ḫisa henehfa kha—kha ḥodzi ya nthesa fhano tshivhidzoni.

¹² Huno vhanzhi vha vhoiñwi ni khou mangala nga ha ili fhungo la muthelo wa mbuelo we ra vha ri tshi khou fhira khawo. Wo dzudzanye. Huno ngauralo ndi ḥoda u ni vhudza uri izwo zwe bvelela hani, na zwone. Huno ndi a elekanya, zwi do ralo, u tea u zwi amba hafhu, Swondaha i ḫaho, ngauralo ndi do tou lindela u swika Swondaha i ḫaho. Huno nda lingedza u amba na vhoiñwi zwiñkunyana, nga matsheloni ano, zwi bvaho kha Ipfi. Ni a vhona? Huno Swondaha i ḫaho, ndi do—do lingedza u ralo, arali Mudzimu a tshi funa, u ni vhudza uri zwe da hani, huno nda ḫisa kha inwi tshithu tshiñwe na tshiñwe tshe Murena a amba, huno nda sedza tshi tshi rwa kokotolo fhedzi kha fhethu hatsho, tsho tou vhewa kokotolo kha fhethu. Ni a vhona? Ha ambi tshiñwe tshithu tsho khakheaho.

¹³ Fhedzi, zwino, tshithu tshithihi tshire nda tama u tshi amba nga matsheloni ano, tshire nga khonadzeo ndi si nga ralo, ndi nga si ralo Swondaha i ḫaho, ndi malugana na tshiñwe tshithu tshe tsha bvelela mulovha. Ndo vha ndi sa ḥodi zwiñku u da nga matsheloni ano, ngauri nne zwa vhukuma ndi nga ndo kherukana, u itela uri a—a thi pfi zwe dalesa u fana nazwo. Fhedzi ngauri ndi fhano, zwe luga, ndi do lingedza zwa khwinesa zwine ndi nga kona.

¹⁴ Vhusiku ha mbamulovha, ndo vha na khamphani, Mukomana na Khaladzi Sothmann, vhunga ri tshi ḫivha fhano, muñwe wa vhalangandaka vha tshivhidzo, na mufumakadzi wawe, vho da u dalela mufumakadzi na nne. Huno ro vha ri tshi khou amba nga ha miñgano i no khou da ngei Phoenix na u mona hothe, arali hu tshi do vha lufuno lwa Murena. Huno ro vha ro vuwa u swika i tshi ḥoda u rwa hafu u bva kha ya fumi, ndi a humbulela, huno ndo ya mmbeteni hunñwe fhethu henehfo nga ya fuminthihi.

¹⁵ Huno nga tshiñwe tshifhinga vhusiku, nda lora muloro. Huno kha uyu muloro ndo vhona muñwe muthu we a vha a tshi tea u vha khotsi anga; munna muhulwane, muhuluhulu, a tshi khou tou imela, ri tshi amba nga lwa mirero, khotsi anga.

Ndo vhona musadzi, o vha a sa ngi mme anga; fhedzi, naho zwe ralo, o vha a tshi tea u vha mme anga. Huno uyu munna (we a vha a tshi tea u nga khotsi, munna wa uyu musadzi) o vha o mu fara lwa tshitu, lwe a vha e na tshipida tshidenya tsha khuni, huno o vha a tshi do mu fara nga *iyi* ndila huno a mu rwa nga itshi tshipida tshidenya tsha khuni, huno o vha a tshi do wela nn̄da huno a tsela phasi. Huno zwenezwo—huno zwenezwo, nga murahu ha tshifhinga, o vha a tshi do humela murahu nth̄a hafhu. Huno o vha a tshi do tshimbila u mona hothe, a dzhia muhumbulo wa u mu rwa hafhu, u do mu rwa hafhu. Huno ndo vha ndo ima kule, ndi tshi khou zwi sedza.

¹⁶ Mafhedzisloni, ndo tou neta ngazwo. Huno ndo vha mūuku u fhira uyu munna, ndi tshi tea u nga khotsi anga. Ngauralo nda tshimbila nda ya khae huno nda vhea munwe wanga kha tshifhātuwo tshawe. Nda ri, “Ni songo mu rwa hafhu.” Ni a vhona? Huno musi ndo ita, tshiñwe tshithu tshi thoma u bvelela. Zwanda zwanga zwi thoma u divhitha, huno ndi na misipha mihulwane, mihulu yo khwāthaho. A thi athu vhona misipha yo raloho na khathihi. Huno ndo tou dzhia uyo munna nga kholoro, huno nda ri, “Ni songo mu rwa hafhu. Arali ni tshi ita, inwi ni do tea u shumana na n̄ne arali ni tshi mu rwa hafhu.” Huno uyo munna o ntshuwa, huno a mu litsha. Ndo vuwa.

¹⁷ Zwe luga, zwi henefho, fhedzi nga tshikhathinyana, a hu na zwiñwe, thalutshedzo ya izwo i a ña. Izwo zwe vha zwe ralo, a hu na zwiñwe, musadzi, ri tshi amba nga mirero, ndi Tshivhidzo, tshine tsha nga mme. Khotsi ndi dinomineisheni khae, tshi no langa Tshivhidzo, vhunga munna kha mufumakadzi. Huno ndi idzi dinomineisheni dzi no khou rwa itsho Tshivhidzo, huno dzi sa vhuyi dla Tshi tendela u ima nga milenzhe Yatsho nga u ralo. Fhedzi, tshifhinga tshiñwe na tshiñwe Tshi tshi lingedza u vuwa kana u ita tshiñwe tshithu, vhone, vhatu ngomu henefho, dinomineisheni i a Mu rwela phasi. Huno zwi tou amba u vhea miñwe—miñwe misipha ya lutendo ngeno nn̄da u dzulela u panga munwe wanga ngei nn̄da, huno ndi tshi ri, “Ni khou shuma na n̄ne. Ni a vhona?” Ngauri, hu na vhañwe vhatu ngomu henefho vñane vha vha vha Mudzimu. Huno izwo zwe vha zwe luga. Nga ha . . .

¹⁸ Ro no vuwa u swika awara mbili, kana tharu, ndi a humbulela. Huno ñwananyana wanga, muñwe wavho, Rebekah, ngei murahu, u shuma Methodist Hospital ngei Louisville. Ndi, oo, itsho tshivhumbeo tshi sa koni tsha pfumbudzo ya muongi. Ndi “candy stripers,” vha vha vhidza zwenezwo, kana tshiñwe tshithu tsha u ralo. Huno o vha, o . . . Vho mu vhidza u ña nga hayo matsheloni, huno izwo ndi zwone zwe mvusaho. Ho vha hu tshi kha di vha nga u t̄avhanya, huno ene, e na muñwe mushumisanî mūuku wa tshikolo fhano, vha—vha shuma henefho vñthe, huno vho vha vha tshi khou ya u vha dzhia vha vha isa Louisville. Vho do tea u vha henengei nga

awara ya fumi nthā ha tshithoma. Huno mufumakadzi o mangala uri ndi ngani o kundelwa u dzhena lufherani lwa u edela. Ndo vha ndo lu khinela.

¹⁹ Zwino, ndo vha na zwithu zwinzhi zwi no tea u bvelela vhutshiloni hanga, fhedzi na khathihi a tho ngo vha na tshithu tsha u ralo. Nda dzhena khofheni. A thi diyhi thalutshedzo. A thi athu vha na tshithu tshi no nga tshone vhutshiloni hanga na khathihi. Fhedzi, phanda hanga, ho vhonala ndo limuha uri ho vha hu bono, huno ndo vha ndi kha bono. Fhedzi ndo vha ndi tshi khou amba na murwa wanga, Joseph. Zwine, o vha a siho lufherani nga itsho tshifhinga. Fhedzi nga iñwe ndila, zwezwo lo nthwa, ndo vha ndi tshi khou amba na Joseph.

²⁰ Huno nda—nda sedza nthā. Huno hu tshi nga ndi nga tshivhumbeo tsha phiramidi, phanda hanga ho ima, zwinoni zwiñuku, zwiñuku, tshinwe tshithu tshi no nga hafu ya intshi nga vhulapfu. Huno zwo vha, zwi nthā thodzini, kha marumbi awe, ho vha hu na... ndi nga ri, zwiraru kana zwiñā. Zwenezwo, shumbi li tevhelaho, li tevhelaho li na khamusi zwa malo kana zwa fumi. Huno fhasi-fhasi, hu na zwa fumiñthanu kana fumbili.

²¹ Huno zwo vha zwi maswole matuku, ngauri mithenga yazwo yo vha yo rwiwa, huno yo vhonala hu tshi nga zwo vha zwi tshi khou lingedza u amba na nne, zwi tshi khou amba tshinwe tshithu. Huno ndo vha ndi Vhukovhela, hu vhonala hu u mona na Tucson, Arizona. Huno zwinoni zwo vha zwo sedza Vhubvaduvha. Huno ndo vha ndo thetshelesa nga vhuronwane. Zwo vha zwi tshi khou lingedza u amba, zwo vhonala zwi tshi nga zwo vha zwi tshi khou lingedza u mmbudza tshinwe tshithu. Huno zwo vha zwi na mithenga miñuku, yo rwiwa yothe, na zwithu. Zwo vha zwi na mavhadzi a nndwa nga maanda. Zwenezwo, nga u ɻavhanyedza, tshinoni tshithihi tsha thoma u dzhia fhethu ha tshinwe, tshi tshi khou fhufha nga iyo ndila. Huno zwone, zwinoni zwiñuku zwa ɻuwa nga u ɻavhanya, zwi tshi fhufhela vhubvaduvha.

²² Huno musi zwo ita, u bva kha izwo ha da tshinoni tshihulwane, tshi tshi nga maihva lwo engedzeaho, zwi na phapha dzi re na thodzi. Huno—huno—huno zwi da nga sambi, nahone nga u ɻavhanya, zwi tshi ɻavhanya u fhira zwe zwinoni zwiñuku zwa vha zwi zwone, zwa fhufhela vhubvaduvha.

²³ Huno nñe ndo vha ndi tshi kha di... mvalo mbili dzi dzothe, nda dihva uri ndo vha ndo ima hafha, huno nda dihva uri ndo vha ndi huñwe fhethu-vho. Ni a vhona? Huno nda elekanya, "Zwino, ili ndi bono, huno ndi fanela u guda zwine izwi zwa amba."

²⁴ Huno tshigwada tsha vhuvhili tsha zwinoni tsha da, nda sedza Vhukovhela. Huno nda sedza vhunga nga tshivhumbeo tsha phiramidi, vhunga zwivhili siani lithihi, hu na tshithihi kha thodzi, ha da zwiñanu zwa Vharunwa vha maandesa vhe nda vhuya nda vha vhona vhutshiloni hanga. Luvhilo lu

shavhisaho nga u ralo, ndi sa athu lu vhona na khathihi. Thoho dzazwo murahu, na phapha Dzazwo dzi re na ḥthodzi, zwi tshi khou alavha nga u ḥavhanya! Huno maanda a Mudzimu Ramaandaothe a nthwa, nga ndila yo raloho, u swika Vha tshi ntakulela n̄ha thwii u bva kha mavu, ndilani yoṭhe u bva kha mavu, u ya n̄ha.

Ndo kona u pfa Joseph a tshi kha di amba.

²⁵ Huno mubvumo u no nga wa tshithivheli tsha mubvumo u tshi pfala, uri—uri u vhomba huhulwane ho bva, ndilani kule, u ya Tshipembe. Huno musi ndo takulelwa n̄ha... Huno ho vha hu na luvhilo lu ḥavhanyedzaho lu ofhisaho lwa Vharuṇwa! Huno ndi—ndi nga tou kona u vhona Vhone zwa zwino, ni a vhona, vhunga—vhunga Vho vha vha tshi khou da, nga itsho tshivhumbeo nga iyo ndila, vha tshi khou swiela heneffo ngomu hanga.

²⁶ Zwino, hu si u lora, zwino. Hai. Ndo vha ndi heneffo, ndo flaṭuwa tshoṭhe sa zwine nda vha zwone zwino. Ni a vhona?

²⁷ Fhedzi hafha Vha khou da. Huno Vho vha vha tshi khou tadvhanyedza lu ofhisaho, u swika ndi tshi elekanya, musi Vho takulela n̄ha... Nda pfa uyo muthuthubo, vhunga, kana vhunga u thathaba ha bvela nn̄da, vhunga tshithivheli tsha mubvumo. Huno musi two ita, nda elekanya, “Zwo luga, izwi zwi fanela u amba uri ndi khou ḥoda u vhulawa, ni a vhona, nga u thathaba ha luṇwe lushaka.” Huno—huno ndo tou... Musi ndi tshi elekanya nga ha izwo zwithu, nda elekanya, “Hai, zwi nga si vhe izwo. Ngauri, arali ho vha hu u thathaba, ho vha hu tshi do vha ho wana Joseph, na ene-vho. Ngauri, ngoulaa, u kha di amba, a tshi elekanya uri ndi fhano. Ndi kona u mu pfa. Zwo vha zwi si izwo.”

²⁸ Zwino, izwi zwi kha di vha kha bono. Zwo vha zwi si... Ni a vhona? Zwo vha zwi kha bono.

²⁹ Huno zwenezwo, zwoṭhe nga khathihi, vhunga ndo limuha uri ndo... Vho vha vho ntanga. A tho ngo kona u Vha vhona, fhedzi ndo diswa ngomu ha itsi tshivhalonyana tsha phiramidi Yavho, ngomu ha itsi tshivhalonyana tsha—tsha Vharuṇwa, tsha vhaṭanu. Huno nda elekanya, “Zwino, Muruṇwa wa lufu u do vha ene. Thanu i do vha tshilidzi.” Ndo vha ndi tshi elekanya izwo. Nda elekanya, “Oo! Tshi—Tshi khou da na Mulaedza wanga. Iyo ndi ḥthodzi yanga ya n̄thesa ya vhuvhili. Vha khou da u qisa Mulaedza u bvaho kha Murena.” Huno nda zhambha nga maanda anga oṭhe, ndi tshi ita phosho nga he nda kona, “Oo Yesu, naa U do ḥoda ndi tshi itani?” Huno musi ndo ita, Lo tou—tou ṭuwa kha n̄ne.

³⁰ A—a—a tho ngo pfa ndo tou luga, u bva tsheetsho. Ni a vhona? Ndo vha, ḫuvha ḥoṭhe mulovha, ndo do tea u dzula ngomu nduni, katukuṭuku ndi tshi kundwa nga u vhilaela. A thi koni u ita uri ḫalukanyoni yanga hu bve mihumbulo i sa ḥodei. Huno vhugala na maanda a Murena! Ndo vha ndi na tshivhevhe hoṭhe-hoṭhe,

musi Tshi tshi ntutshela. Ndo vha ndi tshi khou lingedza u raba zwanda zwanga. Huno nda elekanya, "A thi koni u fara mufemo wanga." Huno nda tshimbila u mona hothe, na nga kha fhasi, na murahu na phanda. Nda elekanya, "Naa zwi amba mini, Murena? Naa zwi amba mini?" Zwenezwo, nda ima. Nda ri, "Murena Mudzimu, mulanda Wau ndi... Ndi—ndi tou vha ndi sa pfecti. Ndi ngani? Naa itsho tsho vha tshi mini? Zwi divhadze, Murena." Zwo luga, musi tshone...

³¹ Ndi nga si ni vhudze nga hazwo, musi ndi tshi ri, "Maanda a Murena." A hu na ndila ya u zwi talutshedza izwo. A si zwine na pfa hafha, kha dziphathutshedzo. Idzo ndi phathutshedzo dza Murena. Izwi ndi zwikhethwa! Yawee, nne-nne! Zwi—zwi seli ha tshiñwe tshithu tshine a faho a nga vhuya a tshi humbula. Ni a vhona? Huno two—huno two vha zwi tshi khou nndina, two vhifhaho zwa vhukuma. A zwi... A si phathutshedzo. Ndi u diniwa. Ni na vhuleme. Ni a vhona? Zwauri ndi zwone. Arali ni tshi nga kona fhedzi...

³² Arali ndi tshi nga wana fhedzi inwe ndila ine ndi nga vhudza vhatu zwe itsho tsha vha tshi zwone, kana zwe tsha... zwe vhudipfi hatsho ha vha hu zwone! Tshone, a tshi fani na u dzula hafha, tsha toda u takala. Ndi—ndi tshiñwe tshithu tshine lualedzi luñwe na luñwe kha inwi lwa tou... Zwi seli ha u tshuwa. Zwi seli ha u ofha. Ndi khuliso khethwa. Zwa... nda... A hu na ndila ya u zwi talutshedza. Nahone, u swika, muñana wanga wothe, nthia na fhasi ha muñodo wanga, nga kha minwe yanga, nthia na fhasi ha milenzhe yanga na minwe, muvhili wanga wothe wo vha u na tshiyhevhe, ni a vhona, u tou fana na inwi no—inwi no bvela nnda ha shango, hunwe fhethu. Huno—huno two vha zwi tshi khou ntutshela, nga zwituku nga zwituku, huno nda ri kha—kha Murena, "Naa U do tou ntendela u divha, Oo Mudzimu?"

³³ Ndi a humbulela, uri, tsha tsinisa tshine tsha vhuya tsha da u vha tsho khwañhaho hafhu, ho vha hu musi ndi ngei Zurich, Switzerland, nga itsho tshifhinga musi A tshi ntsumbedza uri German Eagle o sedza uyo munameli wa bere wa Muisimane a tshi tsela fhasi nga kha Afurika. Huno A ri, "Vhothe vho tshinya huno vha tahela vhugala."

³⁴ Huno ndo vha ndi tshi khou lilela Murena, u nthusa. Huno ndi—ndi toda Ene a tshi nnea thalutshedzo, ngauri ndo mangala arali two amba—arali two amba uri ndo vha ndi tshi khou yo tuwa, ndo vha ndi tshi khou yo vhulawa. Huno arali two vha two ralo, ndo vha ndi sa khou yo amba tshithu kha muña nga hazwo. Ndi tshifhinga tshanga tsha u ya Hayani, mulandu, ndi do tou ya Hayani, ndi zwenezwo zwazwo fhedzi. Fhedzi arali—arali izwo zwi zwe zwa amba, a tho ngo toda u vhudza muña, a tho ngo toda vhona vha tshi divha tshithu nga hazwo. Itou zwi tendela zwi itee, huno izwo—izwo zwi do vha zwothe zwazwo.

³⁵ Nda ri, "Murena, nthuse. A thi ḥodi u vhudza muṭa, arali—arali Iwe u . . . Itshi, ndi mbidzo yanga Ḥayani, zwo luga, ndi do—ndi do vha ndi tshi khou ṭuwa." Inwi ni a vhona. Nda ri . . . Huno, inwi ni a ḫivha, inwi ni . . .

³⁶ Inwi ni ri, "Zwo luga, naa ndi ngani ni songo elekanya nga ha zwe na amba kha bono, bono ḥe na amba?"

³⁷ Fhedzi a ni koni u elekanya nga ha zwithu zwa u ralo tshifhingani itsho. Inwi . . . Ndi nga si kone, naho zwo ralo. Huno nda elekanya . . . Ndo vha ndo tou vha na vhuleme, ndo dinalea. Inwi a ni ḫivhi ndila ya u elekanya. A ni koni u elekanya.

³⁸ Huno nda ri, "Khotsi wa Ṭadulu, arali izwo zwo amba uri—uri uyo muthuthubo wo vha u tshi khou yo nnzhia, zwo luga, i ri ndi ḫivhe zwino, ngauralo a thi nga ambi tshithu nga hazwo. Tendela vhugala Hau na maanda u da kha nne hafhu, huno u ntakulele n̄tha hafhu. Kana, i ri vhugala Hau vhu de kha nne, huno zwenezwo ndi do—ndi do ḫivha tshifhingani itsho uri zwo amba—zwo amba izwo, huno ngauralo ndi nga kona u zwi vhulunga kha nne." Huno a hu na tshithu tshe tsha bvelela.

³⁹ Ngauralo nda ri, "Zwenezwo, Murena, arali zwo amba uri Iwe u khou yo rumela Vhadinda Vhau u itela ndaela yanga, zwenezwo i ri maanda Au a de hafhu." Zwo ḥoda u mmbvisa lufherani!

⁴⁰ Naho, ndo—ndo da kha nne muṇe, na Bivhili yanga i tshandani tshanga, tshifhingani itsho, ni a vhona, huno ndi tshi humbela Mudzimu uri a nthuse. Huno musi ndo ita, Ene—Ene a ntsumbedza tshiñwe tshithu kha Luñwalo, tsho teaho zwone, henefho. Huno nda elekanya, "Naa izwo zwa vhukuma zwi nga vha itsho? Naa ndo ita hani izwo?" Huno, oo, a—a thi koni u ḫalutshedza izwi zwithu, vhatu. Zwi seli ha tshiñwe tshithu tshine nda ḫivha nga hatsho. Ni a vhona?

⁴¹ Mufumakadzi wanga ndi musadzi a sa pfecteswiho nga maanda; muṇwe wa vha khwinesa shangoni. Fhedzi, lwa tshikhathinyana, a tho ngo amba tshithu nga hazwo. Nda bvela phanḍa. O ḫivha uri ho vha na tshiñwe tshithu tshe tsha bvelela. Ngauralo musi ndi tshi mu vhudza, a ri, "Inwi ni a ḫivha, Bill, ndi a ni vhona na u ni pfa, kha zwinzhi zwa izwo zwithu." Ha pfi, "Inwi ni a ḫivha uri ndi a ni tenda nga mbilu yanga yothe," a ralo. A ri, "Fhedzi izwo zwa vhukuma zwo vha na tshiñwe tshithu."

⁴² Zwo tou vhonala, zwi tshi tou ndzinginyisa, uho u thuthuba na uho u da nga u ḫavhanya ha avho Vharuñwa nga u ralo, vhuṭanu havho vhothe, kha tshi—tshivhalonyana Tshavho. Vhunga, u nga sa—sa musi ndo vha na iyo phiramidi yo olwa hafha, ni a vhona. Vho vhonala vho ralo, lwa u thoma, Vho vhonala vhunga, u nga . . . kha vhukule, Vho vhonala u nga u fana na uyo muvhala wa maivha. Huno vho vha vhe kha—kha u da nga iyī ndila. Huno vho vha, vho vhonala vhunga, lithihi, la vhuvhili; la vhuraru, la vhuna; huno zwenezwo lithihi henefho n̄tha, ni a

vhona, a tshi vha maṭanu. Huno vha da nga luvhilo lwo raloho! A hu na tshithu, a hu na dzidzhete, a hu na tshithu-vho tshine tshi nga vhambela *nazwo*.

⁴³ Huno ndi kona u tou Vha vhona, huno Thoho dzavho dzo nga dzi a rembulutshela nga thungo. Idzo phapha dza yela murahu, dzi na zwithavhi nga vhudalo, huno hafha Vha a da, ngauralo “Whew!” Nga *iyo* ndila. Vha tou da heneffo fhasi, huno vha tou nnzhia vha nnzhenisa ngomu ha iyi phiramidi ya tshivhalonyana Tshavho. Nda vhona urindo vha ndo bva, n̄tha ndo bva mavuni. Nda elekanya uri khamusi... Nda pfa, kule kha vhukule, uho u vhomba, “Whoom!” Vhunga bu—bu—bufho musi li tshi budekanya tshithivheli tsha mubvumo, no no zwi pfa zwi tshi bvelela nga u ralo, u tou fana na u vhomba hu re kule.

⁴⁴ Nda elekanya, “Izwi zwi nga amba zwino, musi zwino ili bono li tshi nt̄utshela, uri ndi khou yo vhulawa nga muthuthubo kana tshiñwe tshithu.” Nda elekanya, “Ndi hone fhano. Ndo takulelwa n̄tha. Ndi... Vhone, Vhone vha hafha huñwe fhethu. Ndi—ndi kha iyi, iyi phiramidi ya Vharuñwa hafha. Fhedzi, a—a thi ñivhi. Khamusi Murena u khou da u nnzhia a mnyisa Hayani.”

Zwenezwo nda pfa Joseph hafha fhasi, a tshi ri, “Baba?”

Nda elekanya, “Hai, arali uyo u wone, wo vha u tshi do vha wo mu dzhia, na ene-vho.”

⁴⁵ Zwenezwo Tshiñwe tshithu tsha ri, “Iwe...” Elelwani, ndo lindela, lindela Mulaedza une tshifhinga tshothe nda sedza phanda khawo, tshiñwe tshithu.

⁴⁶ Huno bono, liñwe duvha, inwi ni a ñivha, vhunga ndo vha naļo hu si kale-kale, li tshi mmbudza nga ha zwe zwa vha zwi tshi khou yo bvelela; ndila ye nda vha ndi tshi khou yo rera ngayo, u bva duvhani, ngomu ha hafha fhethu. Huno—huno zwenezwo A ri, “Zwino elelwa, ñhodzi ya u thoma i kha di do da.”

Nda elekanya, “Hu do vha na Mulaedza.”

⁴⁷ Ni a elelwa Mulaedza wanga fhano? U vulwa ha ilo tombo la u pfufha, he, ayo maipfi a sumbe na mapfundu ane a vha uri ho ngo vhuya a ñwalwa kha Ipfi la Mudzimu. Ni a elelwa? Huno tsho nnzhia tsha nnzhenisa kha iyo phiramidi.

⁴⁸ Huno Junie Jackson, arali ni fhano, uyo muloro we na n̄nea wone hu si kale-kale. Ndi nga si u ambe nga haya matsheloni. Inwi no vha no... Mudzimu o vha o fhelela nga maanda. Huno ni mpfarele kha u sa ni n̄ea ñhalutshedzo; ngauri, ndo vhona tshiñwe tshithu tshi tshi khou tshimbila.

J. T., zwenezwo zwithihi, ni a vhona. Huno ndo—ndo—ndo ñivha izwo.

Huno Khaladzi Collins, kokotolo zwi fanaho. Ni a vhona?

Huno zwa rathi zwa izwo, zwi ya heneffo tswititi kha zwenezwo zwithihi.

⁴⁹ Huno zwenezwo bono le nda ni vhudza lone nothe, minwahani yo fhiraho, lo tou bvelela linwe duvha. Ni a vhona? Izwo zwi do bvelela.

⁵⁰ Huno ngetshilaa, tsho edela heneffo, tshiñwe na tshiñwe tsho edela heneffo nnđa. Hu tou vha tshiñwe tshithu tshi no khou tshimbila. A thi ñivhi uri ndi mini. Mudzimu nthuse; thabelo yanga.

Kha ri rabele.

⁵¹ Khotsi wa Tađulu, ri tou—ri tou vha vha faho, huno hafha ri a ima matsheloni ano. Huno, Murena, ndi... Wo nthuma uri ndi range phanda ili sambi lituku na itsi tshivhidzo. Huno ndi kha vhufhelo hanga. A thi ñivhi uri ndila ndi ifhio, ine, hune, i khou da. Fhedzi ndi a ñivha itsi tshithu tshithihi, tsha uri, Wo amba uri U do ita “tshiñwe na tshiñwe uri tshi shume u isa havhuđi kha avho vhane” vha funa Iwe nahone vho vhidzwaho u ya nga ndivho Yau. Ndi a U rabela, Mudzimu, uri tshanda Tshau tshihulwane tsha khathutshelo tshi do vha kha riñe.

⁵² Ri a ñivha nga ngoho uri Iwe u Mudzimu. Huno ri a ñivha uri Iwe a u muñwe we a tshila kha mađuvha o fhiraho, fhedzi U kha di tshila na ñamusi. Iwe tshifhinga tshothe wo vha u Mudzimu. Iwe tshifhinga tshothe u do vha Mudzimu. Wo vha u Mudzimu phanda ha tshifhinga, huno U do vha Mudzimu musi hu si tsha vha na tshifhinga. U do di vha Mudzimu.

⁵³ Huno ri kha zwanda Zwau, Murena. Ri tou vha vumba, huno Iwe u Muvhumbi, Muvhumbi. Vhumba matshilo ashu, Murena, nga ndila ine ya do wana tshumelo ya khwinesa ya u U hulisa. Zwi tendele, Khotsi. Ri tou vha zwandani Zwau.

⁵⁴ A ro ngo vha na ndila ya u ñidisa hafha, kana a ri ñivhi ndila ine ra do bva ngayo. Murena, Iwe u ri nea vhutshilo, nahone Wo... Ri ñekedza matshilo ashu murahu kha Iwe, huno, ngauralo, Wo ri ñea, nga u rengisedzana, Vhutshilo Vhu Sa Fheli. Lutendo lwasu lu fema izwo ngomu ha muvhili washu. Huno ri U funela zwenezwi, ngauri ri a ñivha uri linwe duvha ri do U vhona, huno U do vha kha vhugala Hau. Huno ri do sedza Khae. Huno ri tulutshelwa u pfa ayo maipfi, “Zwo vha zwo itwa zwavhuđi, mulanda wanga wavhuđi a fulufhedzeaho. Dzhena dakaloni la Murena, le la lugiselwa iwe tshee shango la tehwa.” U swika nga itsho tshifhinga, Oo Mudzimu, musi rothe ri tshi tangana, ri range phanda.

Ri vhalanda Vhau, huno ri humbelo khangwelo ya zwivhi zwashu.

⁵⁵ Aya mabono a maanda, Murena, o dalesa kha mulanda Wau. A thi ñivhi uri ndi nga ita mini. Ndi—ndi tou ñivha uri a a da. Huno ndi nga kona u amba fhedzi zwe nda zwi vhona, na zwe zwa ambiwa. Huno nga zwiñwe zwifhinga a a nkhofhisa, Murena. Huno ndi—ndi mangala uri ndi ite mini.

⁵⁶ Zwenezwo ndi dzhia Bivhili huno nda vhala ngomu heneffho ndila ye Yesaya a fanela u vha o pfa nga ilo quvha thembeleni, musi a tshi vhona avho Vharuñwa, phapha kha milenzhe Yavho. A zwi mangadzi o vhidzelela, “Khombo kha nñe! ngauri maṭo anga o vhona vhugala ha Murena.”

⁵⁷ Huno ho vha nga itsho tshifhinga tshe muporofita a vhidzelela: nga murahu ha musi o ḥanzwiwa thembeleni, musi Muruñwa o dzhia lumano huno a wana malasha a Mulilo huno a a vhea kha milomo yawe; nga murahu ha musi o no bula uri o vha e munna wa milomo i songo kunaho, huno a tshi tshila, vhukati ha vhathe vha songo kunaho. Naho zwo ralo, o vha e muporofita. Muruñwa a dzhia lumano huno a vhea Mulilo wa malasha kha milomo yawe huno a mu ḥanzwa, huno a ri, “Zwino tuwa, porofita.”

Murena Mudzimu, Yesaya o vhidzelela, “Nñe ndi fhano, Murena. Nthume.”

⁵⁸ Musi, O ri, “Naa ndi nnyi ane a do ri yela?” U itela uyo murafho muvhi wa vhupombwe!

⁵⁹ Oo Mudzimu, i ri zwi dovhe hafhu. I ri zwi de hafhu, Oo Murena. Rumela Muya Mukhethwa u na Mulilo wa u ḥanzwa. Ngauri, ndi a bula, ndi na milomo i songo kunaho, huno ndi dzula kha ili lifhasi hafha na vhathe vha songo kunaho. Huno a ro ngo kuna maṭoni Au, Murena. Fhedzi, oo, rumela maanda a u ḥanzwa, Muya Mukhethwa! Ri ḥanzwe, Oo Murena. Ḥanzwa mulanda Wau, Murena.

⁶⁰ Huno zwenezwo amba, Murena. Mulanda Wau o thetshelesa. Ndo ḥulutshelwa u pfa ilo Ipfi. Ndi Wau. Ntshumise, Murena, vhunga U tshi vhona zwo fanela, musi ndi tshi edela kha alitari Yau. I ri Muya Mukhethwa u ḥanzwe, Murena; huno u dolise nahone u rumele phanda, Murena, arali U tshi ṭoda muñwe muthu a tshi ya, arali iyi i awara nahone itsi tshi tshifhinga.

⁶¹ A—a thi ḫivhi, Murena. Ndi—ndi tou ḫivha uri ndo vhona avho Vharuñwa. Huno Iwe u ḫivha izwo zwithu u vha kokotolo Ngoho. Huno ndi a rabela, Murena, “Khombo kha nñe,” ngauralo nthuse.

⁶² Huno zwino fhaṭutshedza avha vhathe. Huno ri fhano ḫamusi, phanda ha madekwana a itsi tshifhinga tsha munyanya wa mabebo a Murena. Ri a rabela uri U do ri thusa.

⁶³ Huno nga matsheloni ano, mulanda Wau, Murathu Neville washu, o pfa uri khamusi tshi do vha tshifhinga tshine a tea u tou awela lwa zwikhathinyana zwi si gathi, huno khamusi ndi tea u amba. Huno ndi—ndi a rabela uri U do nthusa zwino.

⁶⁴ Hu na avho fhano, Murena, na riñe roṭhe, vhane ra vha na ḫodea Yau. Ngauralo ri a rabela zwino uri U do ri fhaṭutshedza musi ri tshi vhala Ipfi Lau huno ra elekanya lwa tshikhathinyana. I ri Muya Wau u de kha riñe, Murena. Huno

ri ḥanzwe nahone u ri dugise nga Mulilo, na Muya Mukhethwa, na Mulaedza wa Mudzimu, nga huswa u bva kha aliṭari, u dzinginyisa shango li no khou fa, hu sa athu vhonala Mudzimu muhulwane wa U Ya Nga Hu Sa Fheli. Ngauri ri a zwi humbela nga Dzina ḥa Yesu, Murwa Wawe a funwaho, na Mutshidzi washu. Amene.

⁶⁵ Zwino ndi a tama u vhidza tshenzhemo yaṇu kha luṇwe Luṇwalo hafha, na notsi dzi si gathi, dze nda dzi ḥwala fhasi.

⁶⁶ Huno ndi a tenda, Doc, kana Billy, kana muṇwe wavho o mmbudza, ane a ḥoda u tendela u bva nga u ḥavhanya, nga n̄thani ha vhana. Vha na zwiṇwe zwifhiwa zwavho.

⁶⁷ Vhoinwi vhathe vhaṭuku vhane na kha ḫi bva u bva kha tshikolo tshaṇu tsha Swondaha, ni—ni tou mona-mona u mona hoṭhe, lwa tshikhathinyana. Zwine ra amba hafha zwi nga ḫi vha zwo tsesa zwiṭuku kha vhoinwi, fhedzi vhoinwi—fhedzi vhoinwi ni tou dzula na dzika ni na mma na baba, lwa miniti i si gathi. Ndi ḥoda u amba navho.

⁶⁸ Zwino, nga hangei kha Dziphisalema, Phisalema ya vhu⁸⁹, ndi ḥoda u vhala ndimana kana mbili, dza Phisalema ya vhu⁸⁹. Ndi khou yo lingedza u vhala ndimana dza vhu⁵⁰, vhu⁵¹, na vhu⁵² dza Phisalema ya 89.

⁶⁹ Zwino, naa ni nga kona u pfa ndilani yoṭhe murahu ngei murahu, zwo luga? Arali ni tshi kona, imisanī zwanda zwanu. Ngauralo ndi... Naa ndi ifhio... Naa idzi khudzaipfi dzoṭhe dzi a tshila? [Muṇwe u ri, “A thi ḫivhi.”—Mudz.] Naa *iyi* i khwine, kana *iyi* inwe? *Iyi* inwe? *Iyi* inwe? [“Idzi mbili nga thungo dzi a tshila.”] Henefha, *idzi* mbili nga thungo? [“*Iyi* inwe, *iyi* inwe, na *iyi* inwe.”] Dzo luga.

⁷⁰ A thi ḫivhi uri kana vha khou yo theipha uyu kana hai. I tou vha tshiwo tshi songo lavhelelaho matsheloni ano.

⁷¹ Fhedzi ni songo hangwa zwino, ivhani na khonani dzanu dzoṭhe. Huno ndi—ndi ḥoda inwi ni tshi vha na ngoho, kaṭukuṭuku, ni lingedze u ya muṭanganoni u tevhelaho wa Swondaha.

⁷² Hu si kale vha ḫo vha na tshivhidzo tsho fhelaho hafha nn̄da, ndi zwi dzhia nga u ralo. Huno ndi ḫo—ndi ḫo vhuya tshifhingani itsho u itela izwi, nda rera ayo Mapfundo a Sumbe, arali zwa vha lufuno lwa Mudzimu, zwi bvaho kha Luṇwalo hafha.

⁷³ Kha Bugu ya Dziphisalema, ndima ya vhu⁸⁹, ri tshi thoma nga ndimana ya vhu⁵⁰. Thetshelesani nga vhuronwane u vhalwa ha Ipfi zwino.

Elelwā, Murena, u nyadziwa ha vhalanda vhau; naa ndi hwala hani khanani yanga u nyadziwa ha vhathe vha maanda vhoṭhe;

Nga ndila ye maswina au a nyadza, O MURENA; nga ndila ye vha nyadza khando dza vhadodzwa vhau.

MURENA nga a fhaṭutshedzwe lwa lini na lini. Amene, na Amene.

⁷⁴ Ndi do takalela u amba na vhoiñwi lwa tshikhathinyana nga ha . . . Ndi ṭoda inwi ni tshi swaya izwo, u thoma, huno ni vhole izwo hafhu na hafhu, zwavhudi vhukuma. Khamusi zwi aŋwa u vhalwa hafhu zwa zwino. Thetshelesani nga vhuronwane zwino. Ni a vhona?

Elelwa, Murena, u nyadziwa ha vhalanda vhau; naa ndi hwala hani khanani yanga u nyadziwa ha vhathu vha maanda vhoṭhe;

Nga ndila ye maswina au a u nyadza, Oo MURENA; nga ndila ye vha nyadza khando dza vhadodzwa vhau.

MURENA nga a fhaṭutshedzwe lwa lini na lini. Amene, na Amene.

⁷⁵ Li gudeni nga vhuronwane, vhunga Dafita o zwi amba. Ndi ṭoda u shumisa u itela liñwalwa . . . Ndi zwisili nga maanda, arali liñwalwa la Khushumusi hafhu; fhezi vhunga ndo rera Swondaha yo fhiraho nga ha liñwalwa lisili. Ndi a hangwa zwe la vha li zwone zwino. Lo vha li . . . [Mukomana u ri, “*Shango Li Khou Thathekana.*”—Mudz.] Khangwelo? [“*Shango Li Khou Thathekana.*”] U wa: *Shango Li Khou Thathekana.*

⁷⁶ Zwino ndi ṭoda u shumisa kha liñwalwa, iyi Swondaha: *U Nyadziwa Nga Nthani Ha Vhang La Ipf*. Zwino i ri ni ndi dovhohole hafhu, zwavhudi vhukuma. Yone . . . *U Nyadziwa Nga Nthani Ha Vhang La Ipf*.

⁷⁷ Mudzimu u na tshifhinga, na vhanga la itsho tshifhinga, u khunyeledza othe Maipfi Awe. Mudzimu u a ñivha kokotolo zwine A khou yo ita. A ri ñivhi. Ri tea u zwi ṭanganedza musi A tshi ri nea zwone. Fhedzi, U a ñivha, huno a hu na tshithu tshi no khou yo khakhea kha zwe A—A pulana u ita. Zwoṭhe zwi tea u da. Hu tea u vha na, zwinwe zwifhinga, zwithu zwa makwanda na zwi kondaho, u ñisa fhedzi mupo wa vhukuma, wa ngoho wa tshithu.

⁷⁸ Inwi ni a ñivha, mvula yo bebwa kha lupenyo lwa makwanda, lu sa suvheleli, lwo phadalalaho, lutombo lu bvumaho. Huno arali ri songo vha na mvula, ro vha ri si nga tshili. Fhedzi inwi ni a vhona zwine zwa dzhia u ñisa mvula? Mubvumo, lupenyo, u taidza, tsinyuwo. Huno zwi bvaho benefho zwi ñisa mvula.

⁷⁹ Mbeu i tea u fa, u sina, u tshinyala, u nukha, na u ya murahu kha buse la ñifhasi, u itela uri i ñise vhutshilo vhuswa.

⁸⁰ Zwi dzhia u rwa ha musuku, wo rembuluswa hafhu na hafhu, murahu na phanda, huno wo rwiwa u swika matheriala a sa ṭodei o no bviswa khawo. Hu si ngauri i a penya, ngauri phairete ya tsimbi, tshire tsha dihwa sa musuku wa tsilu, tshi a penya vhunga musuku wa vhukuma. Fhedzi, inwi ni vhea zwivhili fhethu huthihi. Inwi ni zwi vhea nn̄da thungo nthihi, ni nga si

kone u zwi fhandekanya. Fhedzi zwi vheeni fhethu huthihi, inwi ni nga zwi amba. Huno murwi tshifhinga tshothe u tea u rwa u swika a—a tshi vhona tshifanyiso tshi tshi vhoniša kha musuku.

⁸¹ Huno Mudzimu o vhea tshifhinga huno u na ndivho ya tshiñwe na tshiñwe tshire A ita. A hu na tshi no bvelela tshi songo pułanelwa kha avho vha no funa Murena nahone vha vhidzwa u ya nga mbidzo Yawe. Ni a vhona? Ro tiwa. Huno tshiñwe na tshiñwe tshi shuma nga ndila yo lugaho, kha izwo, ngauri A nga si kone u zwifha. Huno O ri izwo zwe vha zwe ralo, uri tshiñwe na tshiñwe tshi na tshifhinga tshatsho, khalañwaha yatsho, huno tshi na ndila yatsho. Huno Mudzimu u murahu ha mutshimbilo muñwe na muñwe. Huno nga zwiñwe zwifhinga inwi ni a elekanya uri tshiñwe na tshiñwe tshi khou khakhea. Zwi kha riñe. Izwo zwithu zwi vhewa kha riñe, dzitsengo na zwimangadzo. Ndi u lingiwa, u vhona uri ri do difara hani kha nyito.

⁸² Tshiñwe tshifhinga tsho fhiraho, n̄tha ngei Vermont, Mukomana Fred na nne ro ya thungo ya New York, u budekanya Lake Champlain, huno ro swika thungo ya New York. Huno nda gonya thavhani he itsyo, n̄tha kha Thavha ya Hurricane, he nda vha ndi tshi anzela u zwima. Huno heneffo nda elelwa musi ndo xela, na nga ndila ye Mudzimu a nnyisa murahu, nga Muya Mukhethwa fhedzi, nga kha ḫumbu. Izwo, ndo vha ndi tshi do vha ndo fa, lovha, huno ngauralo mufumakadzi wanga na Billy, fhasi kha gammiba ḫukhu kule nga mimaela. Huno ndo rembuluswa u mona hothe.

⁸³ Huno ho vha hu na mahađa maťuku fhedzi e ra a kokodza, u dzhena ngomu gammbani, nga u ḫavhanya nga tshimedzi. Huno ndo vha ndo ima heneffala ndi tshi khou amba na Mukomana Fred, huno Muya Mukhethwa wa ri, “Ibva iwe muñe.” Huno nda bva nda dzhena dakani lwa tshikhathinyana, fhethu. A mmbudza, “Hu na tshikwekwe tshe wa vhetshelwa tshone. U ḫogomele zwino.” Fhedzi Ho ngo mmbudza uri hani, mini. Nda vhuya nda vhudza Mukomana Fred.

⁸⁴ Nda ya tshiyhidzoni uvho vhusiku kha oditoriamu, nda zwi divhadza kha vhathu. Huno vhusiku vhu tevhelaho zwa bvelela. Huno zwenezwo ndo ima heneffala musi A tshi mmbudza, kha vhañwe vhagodi, A ri, “Zwi zwandani zwau. Shuma navho. Tshiñwe na tshiñwe tshire wa amba, tshi do bvelela zwa zwino.”

⁸⁵ Ni hone heneffo. Hune, muñwe muthu a sa ḫodei, a sa ofhi Mudzimu, huno vho vha tshi khou tamba na u nyefula kha muṭangano, muṭhannga na musadzi muswa. Huno o vha a tshi khou lingedza u ita zwa lufuno nae tshifhaṭoni; na tshenzhembo ya muñwe na muñwe, musi ndi tshi khou lingedza u rera. Huno a kokodzela ḫoho yawe murahu huno a namela n̄tha ha tshirumbi tshawe, huno a posela ḫoho yawe murahu huno a lingedza u mu

khisa, huno a tshi khou bvela phan̄da nga u ralo mūtanganoni, a tshi kokodza tshenzhemo.

⁸⁶ Huno Muya Mukhethwa wa ri, “Zwino u... Vha zwandani zwau. Naa u do itani ngavho?”

⁸⁷ Ho vha na u fhumula hukhethwa. Muñwe na muñwe a dzula o dzika sa mufu. Huno nda elekanya, “Oo Mudzimu, ndi mini tshine nda fanela u ita?”

⁸⁸ Zwenezwo nda elelwa, arali ho vha u kaidziwa nga Muya Mukhethwa, phan̄da ha mađuvha mavhili. Nda ri, “Ndi do ni hangwela.” Zwino, izwo zwe vha zwe A ḥoda ndi tshi zwi amba. Ni a vhona?

⁸⁹ Ngauri, iṭali, ndo—ndo vha ndi na mulandu, khamusi u si wa izwo, fhedzi ndi na mulandu. “Huno u vha na mulandu wa zīluku ndi wa zwothe.”

⁹⁰ Ngauralo nda ri, “Ndi a ni hangwela.” Huno hu na ḥanzi dzo dzulaho hafha zwino, dzo vha dži henengei tshifhingāni itsho. Zwenezwo Muya Mukhethwa wa wa.

⁹¹ Zwino, inwi ni a vhona, ndi a tenda uri izwi zwithu zwothe zwi na ḥalutshedzo. Naa no vha ni tshi do ita mini nga maanda? Naa no vha ni tshi do ralo, ni a vhona, phindulo ya nyito? Tshiñwe tshithu tshi no da sa nyito, zwenezwo ni ita hani kha iyo nyito? Naa ni a pfectesa zwine nda amba? Naa no vha ni tshi do itani? Huno khamusi izwi zwothe zwe shumea u swika hune ra vha hone zwino. A thi ḫivhi. A—a thi koni u amba. Fhedzi tshifhinga tshothe ho vha na ndila... .

⁹² Huno elelwani izwo, u nyadziwa ha—ha Ipfi ho... Ipfi tshifhinga tshothe lo hwala u nyadziwa. Hothe nga kha zwikhathi, Ipfi la Mudzimu lo doliswaho tshifhinga tshothe lo nyadziwa. Huno itsho ndi tshone tsho itisaho uri zwi kondē nga maanda kha vhatu vha sa pfectesa, vha do ḫivha ndila ya u tanganedza uho u nyadziwa.

⁹³ Naa ni kona u elelwa vhafunziwa vha tshi khou vhuya huno vho takala ngauri vho elekanya uri vho vhatiwa sa vho fanelaho u kondēlela u nyadziwa ha Dzina Lawe? O ri, “Vhothe vha no tshila nga u ofha Mudzimu kha Kristo vha do hwala mutovholo,” u nyadziwa ha Ipfi.

⁹⁴ Inwi tshifhinga tshothe ni tea u kondēlela uhu u nyadziwa u itela u ni nea u lingiwa han̄u, u vhona. Munna muñwe na muñwe a no da kha Kristo u fanela uri tsha u thoma a pfumbudzwe sa n̄wana, u itela—u itela ndivho ye Mudzimu a ni odeinela yone. Huno elelwani, arali ni tshi nga tou fhumula! Elelwani, arali O ni vhidzela izwi, a hu na tshithu tshine tshi nga zwi thivhela u bvelela. A hu na vhodiabolo vho edanaho kha tshengelo, nga nn̄da ha zwine Ipfi la Mudzimu la do vhonadzwa. Inwi no bebelwa ndivho, huno a hu na ane a nga dzhia fhethu han̄u. Inwi ni nga di vha na vhaedziseli na tshiñwe na tshiñwe-vho,

fhedzi vha nga si dzhie fhethu haṇu. Ndi zwone. Ipfi la Mudzimu li do kunda. Li nga si kundelwe. Heneffo ndi hune Mukriste muñwe na muñwe a tea u ima, a tshi divha izwo—izwo. Huno tsengo dzi do da, huno dza vhonala nga ndila iñwe na iñwe, kha inwi. Fhedzi elelwani, Mudzimu u na ndivho, huno zwi do shuma zweithe zwavhuđi.

⁹⁵ Zwino kha ri tou elelwa zwi—zwi si gathi zwa zwiwo zwa Ipfi la Mudzimu li tshi khunyelela, na avho vho hwalaho Ipfi nga tshikhathi tshavho.

⁹⁶ Ndo—ndo pfa ndi Muyani, hu si kale-kale, uri muñwe muthu o vha a tshi khou ntsatsaladza. Zwi nga di vha zwo vha kha shango la theiphi. Zwa u amba nga maandesa tshifhinga tshothe, humelani murahu huno ni dobe vhabvumbedzwa vha Bivhili malugana na zwine nda khou amba. Zwo luga, ndi ita izwo u itela ndivho. Bivhili yo ri izwi zwithu zwo ñwaliwa uri ri kone u zwi sedza. Huno iyo ndi yone ndila i yothe, hu si na pfunzo, ndila i yothe ine ndi nga kona u ita, ndi u amba zwa murahu huno nda ri, “Inwi ni a vhona hune *itshi* tsha ima, ho bvelela mini ngatsho, he *itshi* tshihwe tsha itea.” Ni a vhona? Huno zwenezwo inwi ni tou divhea ngomu heneffo.

⁹⁷ Vhunga ndo vha ndi tshi khou rera, hu si kale-kale, nga ha mutukana muñku ndda kha gungwa, inwi ni a divha, huno—huno kapuñeni wa kale o vha a tshi khou fa. O vha a tshi lwala. Huno a vhudzisa arali ho vha hu si na Bivhili heneffo fhethu. Huno vha fara mutukana muñku we a vha e na Bivhili, huno a da a vhala Yesaya 53:5. “O rungelwa zwivhi zwashu, a khudzulelwa vhutshinyi hashu.” Huno a ri, “I ri ni . . . I ri ni ndi ni vhudze, kapuñeni, ndila ye mme anga vha vha tshi anzela u zwi vhala.” Ha pfi, “Ngeyi ndila ye vha zwi ñwala. ‘O pfiswa vhuñungu u itela vhutshinyi ha Willy Pruitt. Huno O rwelwa Willy Pruitt. Huno izwi zwithu zweithe zwo A itwa, zwo vha zwi zwa Willy Pruitt.” Illo lo vha li dzina ñawé.

Kapuñeni wa kale a ri, “Ndi takalela izwo. Naa ni nga vhala dzina ñanga khayo?”

⁹⁸ A ri, “Ndi do lingeda.” Huno a ri, “O rungelwa zwivhi zwa John Quartz. O khudzulelwa vhutshinyi ha John Quartz. Huno nga ntho Dzawe John Quartz o fhola.”

A ri, “Ndi a zwi vhona.” Huno Murena a mu fhodza. Ni a vhona?

⁹⁹ Vhalani dzina ñanu khayo. O rungelwa zwivhi zwa William Branham. O khudzulelwa vhutshinyi ha William Branham. O itela izwo nn̄e, huno O itela izwo inwi. Vhalani dzina ñanu ngomu hayo.

¹⁰⁰ Zwo luga, iyo ndi ndila ine nda takalela u q̄isa Mañwalo kha vhathu vhanga—vhanga, ndi zwo A itela muñwe muthu-vho we a Mu thetshesela. Zwo A itela muñwe muthu-vho zwo zwa vha zwi zwa ngoho kha Budo, na zwo A itela muñwe muthu-vho we

a vha a si na ngoho kha Buđo, zwenezwo ni a vhala dzina ḥanu khayo. Arali no vha ni henengei, naa no vha ni tshi do vha no imela nnyi? Huno elelwani, inwi ni na u tondwa, ḥamusi, u dzhia vhuimo honoho vhuthihi.

¹⁰¹ Musi, Noaxe, kha u nyadziwa ha Ipfi le Mudzimu a amba khae. Noaxe, ho vha hu na u nyadziwa. Noaxe o tshila kha tshikhathi tsha saints, he ha vha hu na u swikelela zwa saints zwe vha vha tshi kona u maga, zwe zwa vha zwi seli ha tshiñwe tshithu tshe ra maga ḥamusi. Zwo vha zwi tshi penya, zwo talifha lwo engedzeaho. Saints yavho yo vha yo bvela phanda nga maanda, kha yashu. Huno itonu elelwa, o do tea u kondelala u nyadzelwa Ipfi le a li rera, lwa miñwaha ya ñana na ya fumbili, o livhana na vhagodi. Ndila dzavho dza saints khulwane dzo vha phuruvela uri ho vha hu si na mvula lutomboni. Fhedzi, naho zwo ralo, Noaxe o vha o no pfa Ipfi la Murena, huno Lo vha lo fhambana na muhumbulo wawho Wało. Ngauralo, vhutshilo hawehu sa athu tshidzwa, u tea u ima o livhana nahone a hwala u nyadziwa he avha vhagodi vha mu nyadza ngaho.

¹⁰² Oo, a hu na u timatima, vha fanela u vha vho disolela mureri wa kale a ṭungufhadzaho. A vho ngo vha nae uri a vhee kule tshiñwe tshithu, ngauri khamusi ho vha hu si na nn̄du nn̄zhi dza ulwo lushaka nga ilo duvha. O vha a sa vhaisi. O vha a sa khou yo huvhadza muthu, ngauralo vho tou mu litsha e eþhe. "Iyani phanda, uyo wa vhusweleli ho kalulaho wa kale heneho n̄tha nga thungo ya uyo muvhundu, a tshi khou fhaña ndila ya gungwa hafha nn̄da hune ha sa vhe na madi. Oo, zwo luga, muthu wa kale a ṭungufhadzaho! Fhedzi," nahone a tshi khou ri, "naa ni khou yo wana madi aŋu ngafhi, u papamalisa gungwa ḥanu, Noaxe?"

"A khou tsela fhasi a tshi bva lutomboni."

¹⁰³ "Vhūṭafuṭafu. Ri nga kona u thuntsha ñwedzi na dzialedzi, nga radara," tshiñwe na tshiñwe tshe vha vha vhe natsho. "A hu na mvula ngei n̄tha."

Fhedzi a ri, "Mudzimu o ri O vha a tshi khou yo vhea mañwe ngei n̄tha."

"Naa U khou yo zwi ita hani?"

¹⁰⁴ "Uyo ndi mushumo Wawe. Tshithu fhedzi tshire nda tea u ita ndi u ni tsivhudza u bva hafha."

¹⁰⁵ Zwi tou nga zwi a fana zwino. "Naa mulilo u bva ngafhi?" Mukomana, zwi khagala zwiṭuku ḥamusi u fhira zwe zwa vha zwi zwone nga tshifhinga tsha Noaxe. Ri vho vhona hune zwa vha hone. Zwo tou lugela u rwa, ndi zwenezwo fhedzi. Saints yo no di... A hu na tsha u dilandula nga tshino tshifhinga, na luthihi, ngauri saints yo no di u wana. Ee, muñe wanga.

¹⁰⁶ Ngauralo zwino ri a wanulusa uri tsho vha tshi tshi tou vha tshithu. Ngauralo vho pfela vhuṭungu mureri wa kale a

ṭungufhadzaho, huno vha mu litsha a ṭuwa. Tsho vha tshi tshithu tshisili, khamusi, kha avho vhathu, u elekanya uri munna o vha a tshi tea u vha o ḥalifhaho, huno a tshi do tenda uri Mudzimu, Musiki wa maṭaqulu na liphasi, u do ita tshiñwe tshithu, kana a amba tshiñwe tshithu tshe A vha a tshi khou yo tshi ita, tshe tsha vha tsho fhambana na ndila yavho ya u elekanya, ye vha vha vhe nayo. Khamusi a no ngo tshi wana. Sedzani. Ho vha . . . Vho elekanya uri vha nga phuruva tshithu tshiñwe na tshiñwe tsha mupo nga saints i yavho. Arali ilo li si lushaka lwa shango line ra khou tshila khalo ḥamusi, shango la vhuṭali, la pfunzo lo ḥalaho saints! Huno tshiñwe na tshiñwe tshe vha kona u phuruva, tshe tsha vha tsho khakhea, tsha Mudzimu . . . “A hu na Mudzimu we a vha a tshi nga amba tshiñwe tshithu tshe (tsha) tsha vha tshi tshi nga phuruvia nga lwa saints i uri tsho vha tshi siho.”

¹⁰⁷ Zwino, vha na muhumbulo u fanaho ḥamusi. Arali dokotela wavho a tshi ri ni na pfuko, ni tea u fa, huno saints i tshi phuruva uri ni na pfuko, huno yo no vha kha tshimo tshi shushaho, ndi vhutsilu u elekanya tshiñwe tshithu tsho fhambanaho, ngauri ni khou yo fa; ndi zwenezwo fhedzi. Saints i ri ni khou yo fa. Vho ni ḥaṭhuvha, huno ndi zwenezwo fhedzi zwazwo. Ni khou yo fa. Huno vha elekanya uri ndi u penga arali ni tshi lingedza u ri Mudzimu o fulufhedzisa u zwi ita. Ni a vhona, vhunga zwe vha zwi zwone, inwi ni tea u kondelela uho u nyadziwa.

¹⁰⁸ Vha ri, arali dokotela a tshi amba hafha, “Ro sedza nga khayo, huno pfuko i vho shusha. Ro ni vula. I hoṭhe nga kha muvhili wanu, na nga kha mbilu yanu, nga kha mafhafhu anu, nga kha tshivhindi tshaṇu, hoṭhe-hoṭhe. A zwi konadzei.”

Ngauralo, inwi ni a vhona, musi ni tshi ri, “Fhedzi u khou yo tshila, nahoh zwo ralo.”

Vha ri, “Zwo luga, muthu a ḫungufhadzaho, itonu mu litsha e ethe.”

¹⁰⁹ Ndi elelwa vhusiku. Bill Hall, Mukomana Hall fhasi ngei kha tshivhidzo tsha Milltown, vhanzhi vha vho inwi ni elelwa ilo fhungo. Huno musi a . . . Vho mmbidzela nn̄da. Mufumakadzi wanga, mazwale na nne, vho bva hafha. O mala musidzana we a vha e khaladzi, ndi a tenda, kha George Cupp, we a vha e meyara wa dorobo, kana muhaṭuli fhano. Wawe . . . Uyo o vha e mulamu wawe. Vho mu disa ngeno n̄ha u fa. Dokotela ngei Milltown, dokotela ngei New Albany, o wana tsumbo sa pfuko ya tshivhindi. Ngauralo nda tsela fhasi u vhona Vho-Mme Hall. Huno o vha o dzhia lukanda lwa tshirulwane, huno e wa tshirulwane hoṭhe-hoṭhe. Huno nda ri, “Zwo luga, ndi dzhia uri u khou yo fa.” Huno nda ri . . .

¹¹⁰ A ri, “Mukomana Bill, naa hu na iñwe ndila ine ya vha . . . Naa ni nga kona u pfa Mudzimu?”

Nda ri, “A—a thi ḫivhi, Khaladzi Hall. Ndi kona u rabela.”

¹¹¹ Nda rabela. Huno nda humela murahu hayani, huno Murena a si ambe tshithu na nne. Zwenezwo nda humela murahu, ḫuvha li tevhelaho, huno nda rabela hafhu.

Huno a ri, “Naa ni a ḫivha muñwe dokotela wavhudzi?”

¹¹² Nda ri, “Zwo luga, dokotela washu wa muña ndi Dok. Sam Adair, hafha fhasi Jeffersonville. Ndi—ndi—ndi... Khotsi awe vho vha vhe dokotela washu wa muña. Young Sam na nne tshifhinga tshothe ro vha khonani dza hanwani, huno—huno ro ya tshikoloni nga tshifhinga tshenetshi tshithihi, ro aluswa rothe. Tshifhinga tshothe ri ya khae musi tshinwe tshithu tshakhea.”

A ri, “Ndi a mangala arali a tshi do da a sedza Bill Hall?” munna wawe.

Nda ri, “Ndi do mu vhudzisa.”

¹¹³ Zwo luga, Sam a ri kha nne, a ri, “Billy, arali dokotela o ri u na pfuko,” a ri, “hu na tshithu tshithihi fhedzi, tshine nne nda tea u ita, ndi do mu rumela kha muñwe muthu o thanyaho u fhira nne, kha mugudeleli. Huno ri do dzhia dziekisirei; huno a ri nga mu vhei fhasi ha vhuñwe vhuleme ho engedzeaho.”

¹¹⁴ Ro rumela kha New Albany huno ra wana ekisirei dzi bvaho ha dokotela henengei fhasi. Ra mu dzhia ra mu isa Louisville huno ra mu ḫathuvha, ra mu dzhia nga ambulentsi, huno ra mu vhuisa.

¹¹⁵ Zwo luga, a hu na zwiñwe, a nga si ambe kha Vho-Mme Hall uri vhuleme hawe ho vha hu mini, ngauralo a mmbidza. A ri, “U khou yo fa,” a ri, “khonani yanu ya mureri.” Ha pfi, “Mugudeleli kha la Louisville u kha di bva u mpfounela, huno a ri, ‘U wana tsumbo he madokotela a hu nekedza ngomu—ngomu... fhasi ngei Milltown; na dokotela, New Albany; yo nea lushaka lu re lwone lwa tsumbo.’” Huno ha pfi, “Ndi pfuko ya tshivhindi, huno i vho shusha. Huno, Billy, ri nga si tumule tshivhindi tsha uyo munna ra tshi bvisa, huno ene a tshila.” Ha pfi, “U khou yo fa. Huno arali a mureri, u tea u dilugisa.”

¹¹⁶ Nda ri, “Iyo a si mbudziso. Fhedzi ha nga nthā ha miñwaha ya futhanuthanu nga vhukale, ngauralo u kha di vha na vhunzhi ha vhutshilo khae, u rera.” Huno nda ri, “Zwo luga, arali a tshi khou yo fa, izwo zwi a li ladza tshifhingani itsho. Ndi a ni livhuwa, Dok. Sam.”

¹¹⁷ Huno nda tsela fhasi huno nda vhidza Vho-Mme Hall nn̄da, huno nda vha vhudza. Nda ri, “Vho-Mme Hall, Sam o amba uri u wana tsumbo ha ngei Louisville ho vha hu tshi fana na zwe ha vha hu zwone ngei New Albany na Milltown. Munna u khou fa. Mukomana Hall u khou yo fa. Huno u na pfuko kha tshivhindi, huno tshi vho shusha.”

¹¹⁸ Huno ngauralo a thoma u lila. Nda rembuluwa, nda rabela nae. Huno o vha a sa dipfi, zwenezwo, u swika a sa divhi uri nne ndi lufherani.

¹¹⁹ Ngauralo, nda vhuya murahu. Huno vhatu vhanzhi vha da nduni, nga ayo maduvha. Ho vha hu si na muthu tsimuni. Yo vha yo tshikafhadzwa nga zwinzhisa, huno vhatu who vha vha tshi da vha tshi bva huñwe na huñwe.

¹²⁰ Ndo ṭoda u awela zwiñku. Ngauralo nda nangavhedza, nda vuwa nga u ḥavhanya, i tshi ṭoda uri hafu u bva kha awara ya vhuvhili, kana awara ya vhuraru n̄ha ha tshithoma. Mukomana Wood o vha a sa athu sudzulutshela mukotoni. Huno nda sedza nnda kha u ḥuwa, huno ho vha hu si na, muthu ngei nnda, ngauralo nda wana muñadzi wanga wa kale huno nda nangavhedza lufherani lwa u awela, huno nda wana tshigidi tshanga tsha .22. Huno ndo vha ndi tshi khou yo bva huno nda zwima zwisindi, u swika ndi tshi swika kha awara ya malo n̄ha ha tshithoma, huno zwenezwo nda edela fhasi tsini na muri huniwe fhethu huno nda diwanelia khofhe ḥukhu. Inwi no vha ni sa nga zwi wani u mona hothe na haya.

¹²¹ Nda wana muñadzi wanga huno nda thoma nga kha lufhera. Kha luvhondo ho vha ho nembelela apula. Huno lo vha li apula lo—lo tshikafhadzeswaho. Lo vha lo liwa nga tshivhungu, huno lo vha li na mapundu, huno lo vha li na phađi hothe. Huno nda elekanya, “Naa Meda o nembeledzelani ilo kha luvhondo?”

¹²² Huno nda dzhieila nzhele, hafhu, huno lo vha li si kha luvhondo. Lo vha lo nembelela nnda tuyani. Nda vula muñadzi wanga wa kale, nda vhea tshigidi khudani, huno nda wa nga magona anga. Nda ri, “Murena, naa U do ṭoda mulanda Wau uri a divhe mini?”

¹²³ Fhasi ha da liñwe, fhasi ha da liñwe, u swika a tshi ṭoda u swika maña kana maapula mañanu (ndi a hangwa zwino uri ndi lifhio) o nembelelaho heneffho. Zwenezwo apula lihuluhulu, la u naka, li na zwiñirepe ngomu halo; li tshi tou vha apula lihulu nga maända, li vhonalaho li na mutakalo, la da fhasi huno la ḥafuna ayo mañwe maapula a vhonalaho o vetiwa. Huno A ri, “Takuwa. Ima nga milenzhe yau.” Ha pfi, “Iya, vhudza Bill Hall, ha khou yo fa. U khou yo tshila.”

¹²⁴ Oo, nda gidima nga u ḥavhanya u ya nga he nda kona, huno nda ri, “Vho-Mme Hall, ndi na U RALO MURENA. U khou yo tshila.” Huno a mpfa. Huno o vha a tshi khou lingedza u lila, huno a sa kone u amba hafhu.

¹²⁵ Nda vhuya huno nda vhidza Sam. Huno nda ri, “Sam, mukomana washu—washu u khou yo tshila.”

A ri, “Naa a nga tshila hani nga u ralo?”

¹²⁶ Nda ri, “Izwo a si ngelekanyo yanga. Mudzimu o amba nga u ralo. Izwo zwi a li ladza.”

¹²⁷ U khou tshila namusi. Izwo zwe vha kha miñwaha ya fumi yo fhiraho. O tou khwañha na u vha na mutakalo. Mufumakadzi wawe o no di fa. O mala hafhu.

¹²⁸ Naa zwi khou yo bvelela hani kha George Wright, huno zwinzhi zwe engedzeaho ri nga ri, izwo ri do zwi vhidza? Naa ndi mini? Ndi u kondélela u nyadziwa. Vha a sea huno vha tambo ngazwo.

¹²⁹ Ndi a elelwa musi phanda ha muñalo wa '37. Ndo ima henecho na Falls City Transfer Khamphani ya, huno o vha a tshi khou vha vhudza nga hazwo, ho vha hu tshi khou yo vha na fithi dza furarumbili dza mađi, ndi a tenda uri zwe vha, zwi kha Spring Street. Vho ntsea. Vha ri, "Billy a ḥungufhadzaho. Ndi a humbulela o... Uyo nwana!" Ndo vha ndi tshi kha di vha mutukana tshifhingani itsho. A ri, "Billy ndi nwana wāvhudi. Ndi thoni o ṭanganana." Ndo vha ndi songo ṭanganana. Ndo vha ndo lovhedzwa *ngomu*, ndi songo ṭanganana. Ndo vha ndi tshi tou vha "ngomu." Huno zwe bvelela nga iyo ndila fhedzi.

¹³⁰ U bva tshee nda vha ndi tshi amba, ndo dzhiela nzhele Khaladzi Hattie Wright, ndi a tenda, o dzula murahu hangei. U elelwa ilo fhungo nga ha Bill Hall. Vhanzhi. Naa ndi vhangana vha re fhano, vha re hone matsheloni ano, vha no elelwa fhungo? Yawee, nne-nne! Ngoho. Hu na vhanzhi vha vhoinwi.

¹³¹ Zwino, vha a ri pfela vhuṭungu, vha pfela vhuṭungu nnyi na nnyi a no lingeda u fara Ipfi, nga mađuvha a vhagodi. Fhedzi, elelwani, u nyadziwa hu fanela u da. Tshifhinga tshoṭhe zwe vha nga iyo ndila. Vha fanela u vha vho elekanya, vhunga vho ita tshifhingani itsho, uri Mudzimu, nga murahu ha musi tshiñwe tshithu tsho phuruviwa nga lwa saints, uri Mudzimu a nga si ambe tshiñwe tshithu tshe tsha vha tshi tshi hanedzana na saints. Zwe luga, izwo ndi zwone zwi no Mu ita Mudzimu. Arali O vha o tou tshimbila u ya nga lwa saints, zwenezwo zwe vha zwi si nga fhiri zwine muthu a nga kona u zwi swikelela. Fhedzi, Ndi ene Mudzimu. Ndi ene—Ndi ene Musiki wa saints. A nga ita tshine A tama u tshi ita.

¹³² Vha fanela u vha vho elekanya, "Noaxe wa kale a ḥungufhadzaho, zwe luga, litshani muthu wa kale e eṭhe. U khou pfukiwa nga nga zwothe zwi no takadza zwine ra vha nazwo kha aya mađuvha, ngauralo itonu mu litsha e eṭhe." Zwi nga zwi a fana zwino.

¹³³ Fhedzi, zwino, ndi ḥoda u amba tshiñwe tshithu henecha. Zwino, ri sedza murahu huna ra tama lutendo lwawe. Fhedzi ndi a mangala, arali ro tshila nga ilo duvha, naa ro vha ri tshi do vha ro dzhia vhuimo vhu fanaho na he Noaxe a dzhia? Naa ro vha ri tshi do kona nahone ra funa u kondélela u nyadziwa he ha tshimbila na Ngoho? Musi, kha vha milion iwoṭhe tshifhingani itsho shangoni ho vha hu na, ho vha hu na Noaxe fhedzi na muṭa wawe vhe vha imela iyo Ngoho. Naa no elekanya nga hazwo?

Munna onoyo fhedzi na vharwa vhawe vhararu, na vhomazwale vhawe, mufumakadzi wawe, vho vha vhone fhedzi vhe vha imela iyo Ngoho. Fhedzi vho vha vhe na U RALO MURENA. Ri sedza murahu huno ra mu tama. Naa ri nga kona u zwi elekanya hafhu?

Ndi tea u ḥavhanya nga nthani ha zwifhiwa zwa avha vhana.

¹³⁴ Abrahamu, lone ipfi *Abrahamu* li amba “khotsi a vhanzhi,” u mu ita “khotsi a dzitshaka.”

¹³⁵ Zwino, Abrahamu o pfa Ipfi la Mudzimu. Abrahamu o vha e muporofita, huno o pfa Ipfi la Mudzimu. Huno ri tama Abrahamu nga nthani ha u farelela hawe kha Ipfi la Mudzimu; ndila ye a difhandekanya na mashaka a hawe; zwo vha zwi tshi kondā hani kha Abrahamu. O aluselwa henehfo. A tsela phasi a tshi bva Babele, huno—huno o vha e phasi henehfo shangoni la Shinari na la—la—la Vhakaladea, mudini wa Ur, he vho dowelanaho nae vhoṭhe, vhathu vhawe, na avho vhe a ya navho tshivhidzoni, na tshinwe na tshinwe. Fhedzi Mudzimu a ri, “Difhandekanye.” Yawee, nne-nne! Itsho tsho vha tshi tshithu tshi ofhisaho-de, u ḥutshela zweṭhe zwe a vha a tshi zwi funa, tshinwe na tshinwe tshe tsha vha tshi tsha vhukuma khae, tshe tshi funa. Huno Mudzimu o mu vhudza, “Difhandekanye.”

¹³⁶ Huno a mu nea tshithu tshi sa pfecteswiho nga maanda. “U khou yo vha na lushie nga mufumakadzi wau.” Huno o vha e na ya fusumbeṭhanu, huno ene o vha e furathiṭhanu. Zwo guma khae zwa vhasadzi, vhunga ndzudzanyo ya vhasadzi yo vha i ya u ḥisa vhana, lwa miñwaha. Huno hafha, nga murahu ha u tshila nae u bva tshee a vha musidzana, ngauri o vha e khaladzi awe wa hafu, huno zwenezwo o vha a tshi do vhuva a ḥisa uyo ḥwana hani? Huno zwino ni humbulela Abrahamu a tshi bva vhukati ha vho dowelanaho nae, huno a tshi ri, “Ri khou yo vha na ḥwana, Sarah na nne”? Naa ni nga humbulela izwo?

¹³⁷ Mulandu, vhathu vho ri, “Muthu wa kale a ḥungufhadzaho, hu na tshinwe tshithu tsho khakheaho khae.”

¹³⁸ Ndi u nyadziwa, fhedzi Abrahamu o zwi farelela. Huno musi o vha e na miñwaha ya ḥana nga vhukale, na khathihi ho ngo dedeleka kha pfulufhedziso ya Mudzimu. O vha a tshi kha di kondelela u nyadziwa, ngoho, o farelela khazwo.

¹³⁹ Inwi ni a dzhieila nzhele phambano ngomu henehfo? Sarah o lingedza u nea Abrahamu, kana u nea Mudzimu, kha ndi ralo, thuso ḥukhuhukhu, nga ene muṇe. O elekanya, inwi ni a ḥivha, uri, nga nn̄da ha zwe Mudzimu a fulufhedzisa. “Zwino, inwi ni a ḥivha, nne ndi mukegulu, fhedzi Hagara fhano ndi musadzi o nakaho. Abrahamu ha nga vhi na ndavha kha u mu mala, na ene-vho. Ngauralo, inwi ni a ḥivha, izwo zwi—izwo zwi do thusa Mudzimu. Izwo zwi do thusa Mudzimu, ngauri Hagara, fhano, hu na khonadzeo ya uri u na miñwaha ya fumbili fhedzi nga vhukale. Ndi muthusi wanga. Huno ni a ḥivha zwine nda do ita? Ndi do mu ḥekedza kha munna wanga, uri a vhe mufumakadzi,”

ngauri vhumalavhasadzivhanzhi ho vha vhu tshi kha di vha mulayoni. Ngauralo a ri... “Ndi do mu nekedza, huno u do vha na lushie nga munna wanga, huno zwenezwo ndi do dzhia lushie. Huno uyo ndi ene, Mudzimu o fulufhedzisa.”

¹⁴⁰ Inwi ni a vhona, riñe tshifhinga tshothe ri lingedza u ita tshiñwe tshithu; a ri koni u Mu lindela. Ri tea u ita tshiñwe tshithu, riñe vhane. Zwi nga di vha zwo luga. A nga di vha o vha o naka. Zwi nga di lavhelesea zwi zwavhuđi nga maanda, fhedzi zwo vha zwi si u ya nga Ipfi. Mudzimu o vhudza Abrahamu, “Lushie lwo vha lu tshi khou da nga Sarah.”

¹⁴¹ Ni a elelwa zwe A amba nga ha Sambi lițuku? “Izwi zwiga zwi do tevhela avho vhane vha tenda.” “Sa zwe zwa vha zwi zwone mađuvhani a Noaxe, zwi do ralo kha u da ha Murwamuthu, he vha si gathi, na mimuya ya malo, ya tshidzwa.” Ayo Maipfi a nga si kundelwe, ngauralo kha ri fhaťuve riñe nga vhuronwane huno ri dzule na Ipfi. Zwo luga. Ni a vhona?

¹⁴² Vhatu tshifhinga tshothe vha lingedza u maga tshiñwe tshithu, u dzhia fhethu ha lufuno lwa Mudzimu lwa u sika. Inwi ni a vhona, vhunga ndo no amba kanzhi, nahone khamusi phanda ha tshivhidzo, phanda, inwi ni a divha, no vha ni si nga vhudzisi nngu, “Naa ni do mmagela wuļu?” Hai, i nga si kone u ita hezwo. Zwino, mbudzi i nga si kone u maga wulu, ngauri mvumbo yayo i nga si i tendele. A hu londwi uri ni lingedza zwingafhani u vhofheleta nngu kha mbudzi, zwi nga si shume. Mbudzi i nga si kone u maga wulu, huno nngu a i magi mavhudzi. Fhedzi i na wulu ngauri ndi yone nngu. Izwo ndi zwine zwa i ita. A i magi.

¹⁴³ A ri tei u maga mitshelo ya Muya. Ri tea u rwa mutshelo wa Muya. Muri wa muapula a u magi maapula; u tou a anwa ngauri ndi muri wa muapula.

¹⁴⁴ Huno arali ri tshi lingedza u maga tshiñwe tshithu, “Ndi do thusa Budo. Ndi do guda lwa miňwaha ya fumi seminari. Ndi do guda *itshi*, *itsho*, kana *tshiñwe*, huno nda wana digirii Thukhu ya Athi. Ndi do thusa Murena, e eþhe.” A zwi nga shumi.

¹⁴⁵ Mudzimu, nga u ta, u vhidza uyo ane A funa. U nea Muvhuso ane A tama u mu nea Wone. Ro guda izwo nga Nebukadanetsara.

¹⁴⁶ Ro guda izwo nga—nga Yeremia. Musi Mudzimu o mu vhudza uri nga Ipfi la Murena, uri ho vha hu tshi khou yo vha na tshifhinga tshe Isiraele ya vha i tshi khou yo hwaliwa ya iswa Babele lwa miňwaha ya fusumbe. Hafha hu da muňwe muporofita. Ene o no mu vhudza, a ri, “Zwino, u do vha na vhaporofita, vha do vuwa. Huno u do vha navho ngei fhasi kha la Babele, vha no do vuwa, na vhalori na vhaporofita, vha no do porofita zwo fhambanaho na Izwi. Fhedzi vhudza vhatu uri vha songo thetselesa avho vhatu.”

¹⁴⁷ Huno nt̄ha hu da munna wa dzina la—la, muňwe wa vhaporofita, Hanania. Huno musi Yeremia o vha o ima henefho

e na dzhogo kha mutsinga wawe, ha da Hanania, a ri, "U RALO MURENA; Nga miñwaha mivhili yo ḫalaho, midzio yoṭhe ya Murena . . ." Zwino, nga lwa ndeme, zwo vhonala zwi zwavhudī nga maanda. "Mudzimu u khou yo fhaṭutshedza vhatthu Vhawe. U khou yo vhuisa tshiñwe na tshiñwe kokotolo, nga miñwaha mivhili."

¹⁴⁸ Huno Bivhili yo amba, na muporofita Yeremia o amba, "Amene. Amene. Hanania, ngavhe Murena a tshi ita maipfi anu uri a khunyelele. Fhedzi kha ri elekanye nga ha tshiñwe tshithu, Hanania. Ho vha na vhaporofita phanḍa hashu, huno vho porofita vha tshi hanedzana na tshaka khulwane dza nndwa, na zwiñwe-vho. Fhedzi, elelwani, muporofita u a ḫivhea nga murahu ha musi vhuporofita hawe ho no vhonadzwa." Ni a vhona?

¹⁴⁹ Zwenezwo Hanania a ḫa, a dzhavhula dzhogo ye ya vha i mutsingani wa Yeremia, phanḍa ha vhotshifhe vhoṭhe na tshividzo, khamusi milioni na hafu ya vhatthu. Huno a dzhia iyo dzhogo ye Mudzimu a vhea mutsingani wa Yeremia, u itela tshiga, huno a i vundekanya zwa vha zwipida, huno a i posela kha milenzhe yawe, o tou nyanyulea, huno a ri, "U RALO MURENA; Nga miñwaha mivhili, vha ḫo vhuya."

¹⁵⁰ Yeremia o tou mu sedza. Zwo vha zwi tshi fhambana na Ipfi, ngauralo o sokou ḫitutshela. Huno Mudzimu a ri, "Humela murahu huno u mu vhudze," a ri, "Na khathihi a tho ngo amba nae."

¹⁵¹ O vha o nyanyulea. O dzhia muhumbulo wawe. Ni a vhona? Ene na khathihi ho ngo lindela u swika zwa vhukuma a tshi i vhona na u ḫivha uri o vha a si ene, uri ho vha hu Mudzimu a no khou zwi amba. A humela murahu, o nyanyulea tshoṭhe. Arali . . .

¹⁵² Ri a i wana, u budekanya shango, ḫamusi. Inwe ya theiphī dzashu yo vha i tshi khou lidzwa zwa zwenezwino hayani, he tshigwada tsha vhashumeli tsha vha tshi henefho tsha kholwa, huno tsho vha tshi tshi khou ḫa u lovhedzwa ngomu kha Dzina la Yesu Kristo. Huno munna a vuwa lufherani, we a amba nga dzindimi huno a ri, "U RALO MURENA. Faresani tshe na tshi wana. Itonu isa phanḍa, u isa phanḍa, huno ndi ḫo ni fhaṭutshedza."

¹⁵³ Vha ri, "Zwo luga, arali Murena o amba izwo, ndi a humbulela uri izwo ndi zwone." Inwi ni a vhona, a zwo ngo ḫathuvhiwa nga Ipfi. Zwi tea u dzhia Ipfi, u thoma. Ni henefho. Zwo vha zwo fhambana na Ipfi.

¹⁵⁴ Hafha hu vhuya Yeremia, uyo muporofita o doliswaho. Mudzimu o mu vhudza, a ri, "Ndi a ḫivha uri Hanania o vunda ilā dzhogo ya thanda mutsingani wañu, ye nda i vhea, fhedzi ndi khou yo ita inwe nga tsimbi." A ri, "Huno idzi tshaka dzoṭhe dze dza tsela phasi u shumela Nebukadanetsara, mulanda Wanga,"

huno o vha e muhedeni. Ni a vhona? Huno Isiraele, vha tshi khou vhulunga nyito dzavho dzo^{the}, fhedzi vho vha vha sa... Ni a vhona?

¹⁵⁵ Mudzimu o ita pfulufhedziso, ya uri U do fha^tutshedza, fhedzi idzo pha^thutshedzo dzi fhasi ha nyimele. Huno ni tea u swikelela idzo nyimele, u ita uyo mushumo.

¹⁵⁶ O dzula, tshikhathinyana tsho fhiraho, e na musidzana mu^tuku, wavyudi fhano. Tsha u thoma, nda gama uyo mu^ta, u vhona arali ho vha hu na tshiⁿwe tshithu tsho khakheaho. Mudzimu u do fhodza, fhedzi ndi fhasi ha nyimele. Ni a vhona? Tshithu fhedzi tshe nda tshi wana, tsho vha, mme vho vha vha tshi ofha uri zwe vha zwe khakhea u dzhia mushonga. Nda ri, “Vha songo elekanya izwo, khaladzi. Bvisani itshe kha thalukanyo yanu. Iyani henengei phanda na nwana. Mu neemi mushonga. Mudzimu u do qivhadza izwo.” Ni a vhona?

¹⁵⁷ Zwino, fhedzi, tshithu ndi, u wana, u qivha. Huno zwenezwo, arali hu U RALO MURENA, ho luga.

¹⁵⁸ Zwino ri a wanulusa hafha uri, avha vhathe, vho vha vha tshi khou lingedza u maga tshiⁿwe tshithu; Hagara na—na Sarah, u thusa Abrahamu, u thusa Mudzimu u ita uri pfulufhedziso Yawe i vhe ya ngoho. Ni nga si kone u ita izwo. A hu na ndila, na luthihi, ya u zwi ita. Zwi—zwi hanedzana na tshiⁿwe na tshiⁿwe. Ipfi la Mudzimu li khou yo bvelela, naho zwe ralo. Inwi ni tea u tou ima heneffo kha Ipfi, huno na ri, “Ndi *iyi* ndila,” huna na vhulunga Ipfi. Zwino, sedzani, u maga tshiⁿwe tshithu u dzhia fhethu ha Ipfi Lawe!

¹⁵⁹ Khamusi khonani dla Abrahamu, na dzone-vho, arali ro vhuya ra dzhiela nzhele, khamusi khonani dla Abrahamu dzi a da huno dla ri, “Zwo luga, khotsi a dzitshaka, naa ni na vhana vhangana zwino?” Musi o vha e na minwaha ya dana nga vhukale. “Ambe, khotsi a dzitshaka, khotsi a vhanzhi, naa u na vhana vhangana zwino?” Vhagodi!

¹⁶⁰ Zwino, naa a wo ngo vhona tshifhinga? Naa a ro ngo tshi vhona, musi nga zwiⁿwe zwifhinga ro rabelela tshiⁿwe tshithu, a zwe ngo bvelela?

¹⁶¹ “Hafha hu dzula mukalaha,” vha a amba. “Ndi bofu. Ha pfi. U tshimuma. U a lwala. O ita *itsi*. Tuwani hafha huno ni mu fhodze, vhoinwi vhafhodzi Vhakhethwa. Ri a zwi tenda.”

¹⁶² Naa vha a limuha uri ndi diabolo onoyo muthihi we a ri, “Itsa kha tshifhambano, huno ndi do U tenda. Shandukisa matombo aya a vhe tshinnkwa, huno ndi do zwi tenda”? Ni a vhona? Diabolo onoyo muthihi we a vhofha dzadza u mona na ma^to a Murena washu, huno a Mu rwa kha ^lohoho nga luba^da, huno a ri, “Zwino, arali U muporofita, ri vhudze we a U rwa, huno ri do U tenda.”

¹⁶³ Zwo luga, inwi no ḋivha uri O ḋivha we a Mu rwa. O vha a tshi ḍo vha o shandukisa ayo matombo a vha tshinnkwa. Kana, O vha a tshi nga vha o tsa tshifhambanoni. Fhedzi ro vha ri tshi ḍo vha mini ḥamusi arali O vha o ita? Ni a vhona? A vha ḋivi mbekanyamushumo ya Mudzimu. Inwi ni fanela u wanulusa zwe Mudzimu a fulufhedzisa.

Zwino ndi fanela u ḫavhanya.

¹⁶⁴ Zwino, zwino vha nga di vha vho ri, “Khotsi a dzitshaka, ro u pfa, miñwaha ya fumbiliñhanu yo fhiraho, u tshi ri wo vha u tshi khou yo vha na ḥwana nga Sarah, huno kha izwo ho vha hu tshi khou yo da tshaka dza vhathu. Naa ni na vhana vhangana nga itshi tshifhinga, khotsi a dzitshaka?” Huh! Ni a vhona? Uyo ndi uyo muya muthihi wa kale une wa ḍo sasalandza.

¹⁶⁵ Naa Abrahamu o ita mini? Ho pfi, “Ho ngo dedeleka kha pfulufhedziso, nga u sa tenda.”

“Mulanu, hafha no rabelela *Mukenenene*, huno a vho ngo wana mutakalo.”

¹⁶⁶ Izwo a zwi na thaidzo. Arali ndi tshi nga rabelela vha zwigidi zwa fumi madekwana a ḥamusi, huno vha zwigidi zwa fumi vha fa nga matsheloni, vhusiku ha matshelo ndi kha di ḋolisa vhalwadze na u vha rabelela. Mudzimu o amba nga u ralo. A zwi zwi imisi, na zwiñuku. Mudzimu o zwi fulufhedzisa. Ndi a zwi tenda. Zwa vhukuma. A zwi iti phambano zwine vha amba, vha tshi kha di ralo. Fhedzi, vha a goda. Uho ndi u nyadziwa ha Ipfi.

¹⁶⁷ Abrahamu, o ima kha Ipfi ḥa Mudzimu, mafhedziselonu Lo khunyelela. Yawee, nñe-nñe!

¹⁶⁸ Sedzani u goda ha u sa beba. Ni tshi khou godiwa, na u nyadziwa ha u sa beba, u thoma. Vho no... Wa musadzi o ḍo tea u kondelela u nyadzelwa u sa beba kha iyo miñwaha yoñhe. O vha a tshi ḫoda u fara ḥwaha wa ḋana nga vhukale. O vha e na ya fuñahe, na Ipfi ḥa Mudzimu ḥo ambaho uri u ḍo vha *mukololo*, mme a uyu ḥwana. Huno ene na Abrahamu, vha sa bebi, miyibili yavho—yavho yo vha yo fa, fhedzi naho zwo ralo na khathihii a vho ngo timatima ḫlo Ipfi, na luthihi. Fhedzi vho do tea u kondelela izwo, u thoma. Huno zwenezwo, haleluya, Mudzimu o vhulunga Ipfi Lawe, kha iyo awara yo swifhalaho: Isaka a bebwa. “Huno mbeu yawe i fana na muñavha wa lwanzhe kana naledzi dza Taðulu.” Ni a vhona? Mudzimu tshifhinga tshoñhe u fhindula Ipfi Lawe. Ee. U sa beba u thoma, zwenezwo Isaka.

¹⁶⁹ Sakaria na Elisabetha, nga ndila i fanaho, uyo mukalaha na mukegulu, vha tshee vho farelela. Huno musi Sakaria a tshi ḫa nthia heneffo, huno a kona u ḥwala nn̄da kha ḫaba lawe, huno a ri, “Muruñwa o ḫangana na nñe, o mmbudza uri ndi ḍo beba ḥwana nga Elisabetha, mufumakadzi wanga wa kale fhano. A thi tsha kona u amba. Ndi tshimuma. Ndi ḍo vha tshimuma u swika lushie lu tshi bebiwa. Fhedzi hu khou da lushie, huno u khou yo vha muporofita wa N̄thesa. U ḍo ḋivhadza Naledzi ya

Mutsho. Ndi ene mu-ranga-phanda wa Mesia.” Naa zwo vha zwi tshi nga vha hani?

¹⁷⁰ Vhanwe vha ri, “Muthu wa kale a ḥungufhadzaho. Oo, ndi-ndi a humbulela uri u nga hu na tshi sa shumi kha ḥohoh yawe, inwi ni a ḫivha. Hu na tshiñwe tshithu tshiṭuku. Fhedzi sedzani mualuwa Elisabetha ngei nnnda, tsini na ya fumalo. Huno sedzani—sedzani—sedzani Sakaria, o kalahaho vhukuma nahone a tshi dzinginyea, huno zwenezwo u khou yo amba tshithu tsho raloho tshi no nga itsho. Zwo luga, muthu wa kale a ḥungufhadzaho.”

¹⁷¹ Fhedzi o vha e na Ipfi la Murena. U nyadziwa ho raloho, u swika o ḫidzumba lwa mađuvha a vhaleaho. Fhedzi o dzula na Ipfi. Yawee, nne-nne!

¹⁷² U hana u takalelwa, u hana muhumbulo wa u takalelwa, o hana pholishi ya ḫuvha, na zwitaela na zwithu zwa ḫuvha lavho. Vho zwi hana. Vho hana u tshimbila na gogo la vha sa tendi. Vho hana zwithu zwa shango. Vho do tea u zwi ita, u dzula na Ipfi la Mudzimu. Vho do tea u zwi ita.

¹⁷³ Zwo ralo na ḫamusi. Inwi ni a difhandekanya na tshiñwe na tshiñwe nga nnnda ha inwi na Mudzimu. A si zwine tshividzo tsha ita. Ndi zwine na ita na Mudzimu. Ni a vhona? Ndi inwi, sa muthu. Ee.

¹⁷⁴ Fhedzi sedzani zwe Mudzimu a mu nea zwone. Musi Yesu Ene mune a tshi da, Sakaria o vha o no ḫuwa, Elisabetha, na ene-vho. Fhedzi musi murwa wavho o džhena sogani, na U RALO MURENA, Yesu o ri, “Na khathihi a ho ngo vha na munna o bebwaho nga musadzi a re muhulwane sa ene.” Amene. Mini? O tambula nga u nyadziwa nga u sa beba. O dzula kha Ipfi, huno a beba murwa o raloho.

¹⁷⁵ Vhunga Sarah wa kale, vhunga Abrahamu wa kale, vhafunani vha kale vho zwi farelela. Sedzani, vhanzhisa vhe vha vhuya vha bebwah, “vhunga muṭavha wa lwanzhe,” a hu na lushaka lwa vhathu shangoni lu re na vhanzhi sa Vhayuda. “Vhunga muṭavha wa malwanzhe kana ḫaledzi dza lutombo.” Naa ho bvelela kha vha si gathi, nwana muthihi.

¹⁷⁶ Zwino inwi ni a vhona hune nda khou ya. Nwana muthihi, ndi zwenezwo fhedzi zwe zwa dzhia. Zwo dzhia nwana muthihi u dzinginyisa dzitshaka na u sumba kha Mesia. Zwo dzhia muthihi, a thetshellesaho. Izwo ndi zwone. Mudzimu u tou ḫoda munna muthihi. Ndi zwenezwo fhedzi zwine A ḫoda, huṇwe fhethu A nga vha na ipfi. Ndi zwenezwo fhedzi zwine A ḫoda, u wana munna muthihi kha ndango Yawe. Oo, nga ndila ine A funa u wana munna muthihi!

¹⁷⁷ O wana Noaxe, nga tshiñwe tshifhinga. O wana ene—O wana ene Mushe, nga tshiñwe tshifhinga. O wana ene—ene Yeremia. O wana ene—ene Eliya. O wana Elisha. O wana Yohane. U—

U wana . . . O wana Simisoni. Samusi A tshi nga wana munna muthihi kha ndango Yawe, ilo ndi Ipfi Lawe. A nga kona u amba nga khalo. A nga kona u hatula shango. Yawee, nne-nne!

¹⁷⁸ Nga ndila ine A farwa nga ndala huno a namela, u wana munna kha ndango Yawe, “Ane ndi nga amba nga khae. Ndi nga kona u tendela Ipfi Langa u dihwa. Naho a tshi do kondelela u nyadziwa, fhedzi Ndi do ita uri Ipfi Langa li dihvee.” Ni a vhona? Oo, ee.

¹⁷⁹ U sa beba, u thoma. O tea u kondelela, tea u kondelela u nyadziwa ha u sa beba. Sarah o do tea u zwi kondelela. Ngauralo Sakaria na Elisabetha vho do tea u zwi kondelela.

¹⁸⁰ Sedzani, ɿamusi. Zwino ndi khou yo amba tshinwe tshithu. Sedzani ɿamusi kha vhana vha phombwe. O dzhia dzitshaka fhasi ha u vhusa ha politiki ya dinomineisheni, phombwe na vhananyana vhawe. Sedzani zwe murafho wa dzidinomineisheni wa vusa, na uri vho lugaho a vha gathi. Ni songo vhilaela. Dzulani na Ipfi. Lo luga.

¹⁸¹ Inwi ni nga di godiwa, na vhidzwa muvhumbuluwi-mukhethwa. Inwi ni nga vhidzwa zwe the, luñwe lushaka lwa dzina ɿivhi. Fhedzi, dzulani heneffo, Ndi Ipfi, u nyadziwa ha Ipfi, tshithu tshine vha do amba nga ha inwi.

¹⁸² Muthu muswa, a nga di vha fhano matsheloni ano. Ndi khonani yanga; Jim Poole, Jim muswa, vhatu vhawe—vhawe. O humbelwa liñwe duvha. Zwo luga, o lovchedzwa fhano. Muñwe muthu o ri khae, a ri, “Arali no vha ni tshi khou ya u lovchedzwa tshivhidzoni, ndi ngani ni songo wana tshivhidzo tshihulu, tshinwe tshithu?” Ni a vhona? Fhedzi o vhona Tshedza. Izwo zwe vha zwi zwone. Ni a vhona?

¹⁸³ “Vho engedzeaho ndi vhana vha vha songo lugaho u fhira vha re hone vha vho lugaho.” Iina. Zwo luga. Ndi vha si gathi hani, vha vho lugaho! Sedzani uri ho vha hu na tshiqlatshanda tshītuku-de nga ɿuvha la Noaxe. Ni a vhona? Sedzani zwe zwa vha zwi zwone maduvhani a Sodoma. Ni a vhona? Ndi vha si gathi hani vho lugaho!

¹⁸⁴ Ndi vhana vhanganan vhangana vhangana phombwe a vha navho! U tou disa vhana nga iñwe ndila ya kale, fhedzi vhothe ndi vhana vha u vhumbela. Phombwe i bveledza phombwe. Mmbwa i disa mmbwa.

¹⁸⁵ Huno Kristo u disa vho doliswaho. Bivhili i disa vho lugaho, ngauralo ri tea u kondelela muhumbulo wa u vha tshihulwane tshihalonyana tshītuku. Ndi tshithu tsha tshilidzi-de tshine tsha vha tshone!

¹⁸⁶ Sedzani tshihidzo tshihulwane tsha Vhaefesa, ho vha hu na vha fumimbili khatsho. Iina. Sedzani uri ɿamusi ri na tshigwada-de ɿamusi, siani lavho. Iina.

Ho vha hu na mimuya ya malo fhedzi maduvhani a Noaxe.

¹⁸⁷ Ho vha hu na vhaṭanu fhedzi mađuvhani a Loto, hai, vhaṇa; Loto na mufumakadzi wawe, vhananyana vhawe vhavhili. Huno o shanduka a vha thulwi ya tombo nga murahu ha musi o bva, nga u sedza murahu. Zwa vhukuma, vhararu vho bva nga ilo ḫuvha.

¹⁸⁸ Huno Yesu o ri, “Sa zwe zwa vha zwi zwone kha ayo mađuvha.” Zwi a ri fanela u sedza na u vha vha ḫogomelaho. Vho lugaho a vha gathi! Fhedzi, sa misi, vhagodi vha fanela u nyadza. U sa be-... Kondelelani u nyadziwa ha u sa beba, u thoma. Nne-nne!

¹⁸⁹ Ndi tou tea u ḫavhanya. Ndi... A thi... Ṭoda u thusa u wana avha vhana. Itonu nkondelela zwiṭukunyana. Ni a vhona?

¹⁹⁰ Vhana tshifhinga tshoṭhe vha a fana sa misi. Zwino ndi khou yo amba tshiňwe tshithu hafhu. Huno ndi ṭoda inwi... Huno a thi ḫivhi uri kana zwi khou theiphiwa, kana hai. Fhedzi arali zwi kha theiphi, ndi ṭoda inwi ni tshi nthetshelesa, inwi kha theiphi. Zwi songo ni pfuka, fhedzi zwi gudeni. Munna zwino u fana na zwe a vha e zwone tshifhinga tshoṭhe. U khou renda Mudzimu kha zwe A ita; a tshi sedza phanda kha zwine A ḫo ita; huno a tshi ḫihangwisa zwe A ita na zwine a khou ita. U renda Mudzimu kha zwe A ita; u sedza phanda kha zwine A ḫo ita; fhedzi u ḫihangwisa zwine Mudzimu a khou ita, huno heneffo u pfukwa nga tshithu tshoṭhe. Ndi a fhulufhela uri vha a zwi wana. Ni a vhona? U dihangwisa zwine A khou ita! U ḫivha zwe A ita; huno u ḫivha pfulufhedziso ine A ḫo ita; fhedzi u kundelwa u vhona zwine A khou ita.

¹⁹¹ Oo, inwi Vhapentekostala, arali ni si tsumbo ya izwo! Ni khou sedza phanda uri tshiňwe tshithu tshi bvelele: sa tshifhinga tshoṭhe, tsho bvelela heneffo phasi hanu, huno a ni tshi ḫivhi. “Ndi kanngana A tshi ḫo vha o ni kuvhatedza, sa phambo i tshi ita khukhwana dzayo, fhedzi a no ngo funa.” No elekanya zwe engedzeaho nga ha maitele na dzidinomineisheni u fhira zwe na ita zwa Ipfi Ḳawé na Muya Wawe. Ee.

¹⁹² Ndi u nyadziwa-de kha Maria nandi! (Vhunga ri tshi khou vala.) Ndi u nyadziwa-de kha Maria na Yosefa, nga n̄thani ha Ipfi Ḳawé. Ndi tshifhinga tsha Khushumusi. Ndo vha ndi tshi khou puļana kha u fara zwiṭukunyana, fhedzi ni ḫo pfa zwinzhi nga hazwo kha radio na vhukati ha vhafunzi, na vhaňwe-vho. Ndi u nyadziwa-de kha Maria na Yosefa, u farelela kha Ipfi la Mudzimu la pfulufhedziso. Elelwani, zwino. Vhagodi, vho takulela n̄tha tsie dzavho, musi vho vhona Maria muṭuku a tshi fhira, a tshi vhona Yosefa. “Ni khou mala murengisamuvhili.” Ni a vhona? Huno elelwani, mukomana, vhupombwe ho vha hu lufu nga ayo mađuvha. “Zwino, inwi ni mu vhulunge uri a sa vhulawé. U khou yo vha mme nga inwi.” Huno, fhedzi, elelwani, tshifhinga tshoṭhe, Mudzimu o vha a tshi khu shuma navho, huno ho vha hu u ya nga Ipfi. Huno a vho ngo zwi ḫivha. Ni a vhona?

¹⁹³ “Musidzana u do beba ñwana.” Yosefa o zwi ḋivha izwo. Maria o zwi ḋivha izwo, ngauri, nga murahu ha musi Ipfi lo ñwalwa, ho vha hu na Muruñwa a tshi khou amba navho, a tshi khou khwathisedza, kana u vhonadza Ipfi lenelo le la ñwaliwa, le la vha li tshi khou yo bvelela. Ni songo lora zwino. Elekanyani. Muya Mukhethwa u tsela fhasi kha lifhasi; na khathihi ho ngo amba na tshivhidzo tshoṭhe. O amba navho.

¹⁹⁴ Yosefa o sedza. Huno Muruñwa a sa athu mu dalela, o ri, “Zwo luga, zwino, ndi a mu funa. Fhedzi, ndi munna o lugaho. Ndi nga si male musadzi o raloho.”

¹⁹⁵ Huno Muruñwa wa Murena a bvelela khae, nga muloro, huno a ri, “Yosefa, iwe murwa wa Dafita, u songo ofha u dzhia Maria mufumakadzi wau, ngauri itsho tsho hwaliwaho khae ndi tsha Muya Mukhethwa.” Yawee, nne-nne! Ndi khuthadzo-de nandi! Ni a vhona?

¹⁹⁶ Huno, Maria, ndilani yawe ya u ya tshisimani. Musidzana muṭuku, wa miwaha i ṭodaho u swika ya fumisumbe nga vhukale, fumimalo, u mala munna we a vha o malwa mathomoni nahone a na vhana vhaṇa; mukalahha. Huno wa musadzi o vha... O mu funa, huno—huno ho ngo ḋivha uri ndi ngani. Huno o mu funa, huno ho ngo ḋivha uri ndi ngani. Huno vho vha vhe fhano. A tshi da, a tshi ya tshisimani, u wana mađi, huno u guda hoṭhe kha zwithu zwe a—a vha a tshi elekanya nga hazwo, Mañwalo, hu si na u timatima, huno Tshedza tsha taidza phanḍa hawe. Musi itsho Tshedza tshi tshi taidza, ho vha ho ima Muruñwa.

¹⁹⁷ Ni a mangala ndila ye Maria muṭuku a zwi pfisa zwone? Naa no no vhuya na elekanya nga ha izwo? Ndi a mangala arali o pfa o tshuwa vhunga ndo ita mulovha.

¹⁹⁸ “Ri a losha, Maria!” *Ri a losha* zwi amba “Imani.” “Dzhiani tshenzhemlo kha zwine nda khou yo ni vhudza. Wo fhaṭutshedzwa vhukati ha vhasadzi, ngauri wo wana u takalelwa nga Mudzimu, huno u khou yo beba Ñwana. A sa ḋivhi munna, fhedzi u khou yo vha na Ñwana. Huno muzwala wau Elisabetha, e wa kale, na ene-vho, o dihwala na ene, huno u khou yo beba ñwana. Huno izwi zwiga zwi do itwa.”

A ri, “Naa izwi zwi do vha hani, ḋivha, ngauri ndi sa ḋivhi munna?”

¹⁹⁹ A ri, “Muya Mukhethwa u khou yo vha murunzi wau. Itsho Tshithu Tshikhethwa tshi no do bebiwa nga iwe tshi do vhidzwa Murwa wa Mudzimu.”

²⁰⁰ Iri ni vhagodi vha ambe zwine vha ṭoda. O zwi ḋivha. O ḋivha uri zwi do ralo, ngauri Mudzimu o amba nga u ralo.

²⁰¹ Zwino, nga ndila ye a fanela u vha o pfa, nga ilo ḫuvha la u kumedzwa, kana u da u itela u rubiswa ha Lushie, musi henefho o vha a tshi khou tshimbila na ulu Lushie luṭuku zwandani zwawe, nga iyo ndila. Huno vhasadzi vhoṭhe vhe kule, vhoṭhe vhe

na mushumo wa neleṭe wavhuđi, u kumedza vhushie havho na u vha rubisa, huno kałukułuku vhone vhothe vha tshi kokodza ngwana. Fhedzi o vha e na maivla-muronzhe mavhili, a tshi khou ḥanzwela u ḥambiswa hawe. Lushie lułuku lwo pombwa nga miñwenda, yo itwaho nga dzhogo i bvaho kha mułana wa mutsinga wa phulu, dzhogo, u putelwa mułanani wa phulu. Iyo yo vha i miñwenda mukungwani. Vho vha vha si na tshithu Tshawe. Vho vha vha tshi shaya nga maandesa. Huno hafha wa musadzi o ima.

²⁰² A hu na u timatima, vhasadzi vhothe vho ḥutshela kule ha musidzana mułuku. Ha pfi, “Inwi ni a vhona, u na ḥwana a si wa mulayoni.” Vhonani ndila ine Mudzimu a ita zwithu zwi vhonalaño zwi zwišwa nahone zwi zwo fhambanaho. Yawee, nne-nne! U tou kokodza wulu heneffo małoni a Sañhane. “Zwo tshikafhala hani! Zwi na tshika hani! Vhupombwe. Izwo ndi zwine a vha zwone. Ndi phombwe.” Izwo a zwo ngo imisa uho u divhitha mbiluni ḥukhu ya Maria. Vho ḥutshela kule Hawe.

²⁰³ Vha kha di ita zwenezwo zwithihi, Mu vhidzeni zwino, “Muvhumbuluwi-mukhethwa, kana wa vhusweleli ho kalulaho,” kana tshiñwe tshithu.

Maria o ḥivha uri uyo o vha e Lushie lwa Nnyi. O sokou bvela phanda, nga u tou fana.

²⁰⁴ Fhedzi, oo, naa vho vha vha songo vha vho dzhiela nzhele uri lini, Simoni, o dzula murahu lufherani, o no fulufhedziswa? O ya u mona hothe, a tshi porofita. A ri, “Murena o bvelela kha nne.” Huno ha pfi, “A thi nga vholi lulu . . .” Huno o vha e na ya fumalo na tshiñwe tshithu tshifhingani itsho. “A thi khou yo vhona lulu ndi sa athu vhona tshidzo Yawe.”

²⁰⁵ “Oo, Simoni, wo kalaha, murwa. Wañu—wañu . . . Muthu wa kale o vha a tshi nga o wana ḥohoh yawe, inwi ni a ḥivha, ndi mułuku . . . itonu mu litsha. Ha vhaiſi. Ha nga huvhadzi muñwe muthu.”

²⁰⁶ Fhedzi Simoni o vha e na Ipfi la Murena, a ri, “Ndo vhona Muya wa Mudzimu tshi tsela kha nne. Nda ima nahone nda Mu sedza. A mmbudza, ‘Simoni, wo vha munna o lugaho. Huno a u khou yo . . . Ndi khou yo u ita vhułanzi ngeyo nnđa.’” Uh-huh. Ndi zwenezwo fhedzi.

“Naa izwo U khou yo zwi itelani, Murena?”

“Uyo ndi mushumo Wanga.”

²⁰⁷ Muhumbulo wanga ndi, wa uri Ene nga ngoho a nga shululela malasha khavho, nga ilo Duvha. “No vha na ḥanzi. Ndi ngani ni songo i thetshelesa?”

²⁰⁸ Hu na Ann o kegulaho wa bofu, o dzulaho thembeleni, a tshi khou rabela. Mudzimu o mu dzumbululela, “Simoni o luga.” Amene. Ho ngo kona u vhona tshedza tsha nga masiari a tshi bva swiswini, fhedzi o kona u vhona phandanyana ha vhatthu vhanzhi

namusi vha re na maṭo avhuđi. O vhona, Muyani, u da ha Mesia ho vha ho no sendela, Muya u tshi khou tshimbila mbiluni yawe.

²⁰⁹ Vhonani uri ho vha hu na Tshivhidzo tshițukunyana-de? Sakaria, Elisabetha, Maria, Yohane, Ann, na Simoni; vha rathi kha vha dzimilioni. Vhunga kha mađuvha a Noaxe. Vha rathi vhavho. Mudzimu o shuma na muňwe na muňwe wavho. Vhothe vho vha vhe kha nyandano. Vhothe vho kuvhangana fhethu huthihi. Amene.

²¹⁰ Hafha, Simoni o kalahaho. Hafha hu da Lushie luťuku ngomu. O vha a sa athu pfa tshithu nga hazwo na khathihi. Lushie ngolu. Huno zwenezwo Simoni a dzula lufherani lwawe, huno Muya wa da khae, wa ri, "Ibva, Simoni."

²¹¹ Hafha o tuwa, a tshi tshimbila, a sa ñivhi he a vha a tshi khou ya. Vhunga Abrahamu, o vha a tshi khou ḥoda tshiňwe tshithu. Ho ngo ñivha he tsha vha tshi hone, fhedzi a bvela phanda na u tshimbila. Nga murahu ha tshikhathinyana, a ima. Huno Muya Mukhethwa u fanela u vha wo ri kha ene, "U henefho."

²¹² O swikeleta, kha zwanda zwa Maria, a dzhia Lushie zwandani zwawe. A sedza n̄ha huno a ri, "Murena, tendela mulanda Wau zwino u tuwa kha vhuno vhutshilo nga mulalo. Maṭo anga o sedza kha tshidzo Yau." Tshithu tshire muňwe na muňwe a vha a tshi khou tamba ngatsho, tshe vhasadzi vha vha vha tshi khou tshi hana, Simoni a ri, "Ndi tshidzo Yau, Murena."

²¹³ Huno itsho tshifhinga tshi tshi ḥoda u swika, hafha hu da mukegulu wa bofu, a tshi khou monisa ndila yawe u mona hothe, a tshi khou dedeleka u mona hothe nga kha vhathetselesi. Huno u a da Khae, nahone a porofita, ngauri o vha a tshi khou Mu ḥoda. A vhudza Maria, "Banga li do ḥavha mbilu yau, fhedzi Li do dzumbulula mihumbulo ya mbilu nnzhi." Ni a vhona? naa ho vha hu mini?

²¹⁴ Zwino, ndi a humbulela, vhaňwe vhavho vhasadzi vho ri, "Zwino vhonani itsho! Inwi ni a vhona uri ndi lushaka-de lwa kilasi? Henefho ni hone. Ni a vhona? Izwo ndi zwone. Ni a vhona hune tsha vha hone? Uyo mukalaha, o balekana ḥohoni. Henefho u henefho, o ima phanda ha uyo musidzana wa murengisamuvhili, a tshi khou lingedza u amba tshithu tsha u ralo. Henefho ni hone. Uyo Nwana a si wa mulayoni. Sedzani uyo Ann o kegulaho, u dzula fhasi hafha, a tshi khou fa nga ndala, na u bvela phanda nga u ralo. A nga si vhe na huňwe u tamba vhunga riňe ri tshi ita. Fhedzi, henefho ni hone, ni a vhona. O kona u vha wa sosaithi dzothe dza shango hafha. U bva kha muta wavhuđisa, ni a vhona, huno o kona u vha wa henefho. Fhedzi u henefho. Ni a vhona ndila ine itsho tshivhalonyana tsha kuvhangana?" Oo, ee. Amene.

²¹⁵ Ndi zwenezwo zwithihi namusi. "Ho dzulwa mafhethu a Tađulu kha Kristo Yesu, ro takulelwa n̄ha nga Muya Mukhethwa." Ngoho. Ee, muňe wanga.

²¹⁶ Oo, naa ri na tshifhinga tshiṭuku tsho engedzeaho? Ndi tea u amba tshiñwe tshithu. [Tshihidzo tshi ri, “Ee.”—Mudz.]

²¹⁷ Ndi na muñwe mubvumbedza hafha, ndo sedza, kha itsho tshifhinga musi Ipfi ḥo vha ḥi tshi khou vhonadzwa, munna wa vhuṭali.

²¹⁸ Ndi tama ndo vha ndi na tshifhinga, Fred, u itela inwi u vhala izwo. Inwi ni nazwo tshikwamani tshanu? [Mukomana Fred Sothmann u ri, “Ee.”—Mudz.] Ndi a humbūela uri vhanzhi vha vho inwi vho zwi vhon a kha magazine.

²¹⁹ Tshithu tshe Muya Mukhethwa wa tshi amba ngeno fhasi mulamboni, miñwahani ya furaruraru yo fhiraho, vha tou tshi gwa. Nyendavhusiku nga ḥa vhu9, u tshi tshi sumbedza, zwa uvho vhudivhañaledzi, ndila ine iyo—iyo Jupiter na idzo ḥaledzi, kha tshivhunga tshadzo!

²²⁰ Vha na khale- ya vhudivhañaledzi ya kale . . . tswayo dzayo, vho gwa. Itsho ndi tshone kokotolo itsho tshifhinga tshe itshi tshivhunga tsha dzhena ngomu, kha tshivhunga tsha idzi ḥaledzi, huno ya dzi posela henefho fhasi u yela Babele, huno vhanna vha vhuṭali vha tshi disa fhasi. Ni a elelwa? Vho budekanya obiti dzavho, vha dembetita fhasi, miñwaha ya bilioni dza miñwaha ya tshedza u fhandekana hafhu. Huno avho vhanna vha vhuṭali vha Vhayuda vhe vha vhe Babele, vho vhon a tshivhunga tshi tshi ḥa ngomu ha itsho tshivhunga, idzo ḥaledzi. Zwiraru zwazwo zwo dzhena ngomu, zweṭhe, huno zwa ita iyo ḥaledzi ya mutsho nthihi. Huno vho ḥivha uri nga Ipfi ḥa Mudzimu, uri itsho tsho vha tshi tshifhinga, musi idzo ḥaledzi dici tshi kuvhangana, uri Mesia o vha a tshi tea u vha kha ḥifhasi.

²²¹ Itsho ndi tshone tsho itisaho uri vha thome, “Naa U ngafhi, o bebwaho e Khosi ya Vhayuda? Naa U ngafhi? Huñwe fhethu! Ngauri, musi idzo ḥaledzi dici tshi dzhena ngomu, u swika mivhili yadzo ya ṭadulu i tshi vha ngomu ha uyu muvhili wa ṭadulu hafha, musi idzo tharu dici tshi tshimbila dzoṭhe, Mesia u do vha kha ḥifhasi nga itsho tshifhinga.” Huno musi dzo tshimbilela ngomu ha obiti dzadzo, zwenezwo vhanna vho ḥivha uri Mesia o vha e kha ḥifhasi.

²²² Vho vha vhe vhañe tsimuni yavho. Vho vha vhe vhanna vhahulwane. Vho vha vhe vhañe tsimuni yavho ya saintsyi ya vhurereli. Vho vha vha tshi khou fara sia ḥa vhurereli ḥadzo. Huno vho vhon a idzo ḥaledzi dici tshi bva hanefho, Jupiter na Sargas, huno zwenezwo dza dzhena ngomu mutualoni wadzo—wadzo. Huno vha ri, “Ri a ḥivha uri Mesia u huñwe fhethu. Ngauralo, U fanela u vha e Yerusalem, ngauri afho ho vha hu hone fhethu ha ḥohoh ya vhurereli ha shango, ha vhurereli ha Mesia. Afho ndi hedikotasi hadzo. Afho ndi hedikotasi ya dinomineisheni. Afho ndi hone hune tshigwada tshihulwane tsha vhuhuweleli tsha dzula.”

²²³ Huno vho namela dzigamela vha tshimbila, miñwaha mivhili, fhasi u budekanya Mulambo wa Tigirisi, na nga kha manwenwe na madaka, vha tshi khou enda, vha tshi ya mudini, mbilu dzo dala dakalo.

²²⁴ Vho divha musi idzo naledzi dzo vha dzi tshi nembelela ngomu heneffho. Huno idzi, na vhaqivhaqaledzi vha a amba, ñamusi, “Arali zwa vhukuma dzone, idzo naledzi, dzi tshi da ngomu ha fhethu afho hafhu, dzi do ita naledzi nthihi, u bva afho he vha vha vho ima, vho sedza.” Fhedzi vho do tea u vha vho ima u bva heneffho fhethu, u i vhona. Amene. Amene.

²²⁵ Hu ya na nga uri no ima ngafhi. Zwi ya na nga uri no sedza mini. Uh-huh. Iina.

²²⁶ Ngauralo vho i vhona, huno vha i tevhela, huno vho vha vhe heneffho kha mutualo. A hu londwi he vha wana, zwo vha zwi heneffho mutualoni navho. Yo vha ranga phanda. Ni a vhona?

²²⁷ Iyo ndi ndila ine na tea u wana Mañwalo othe e kha muduba, tshiñwe na tshiñwe, zwenezwo dzulani kha uyo muduba na Mañwalo. Iyo ndi yone ndila fhedzi. I do ni ranga phanda heneffho tswititi Khae. Zwa vhukuma i do ralo.

²²⁸ Zwino dzhielani nzhele. Hafha vha a da, vha tshi khou vhidzelela, “Naa U ngafhi, o bebwaho e Khosi ya Vhayuda?” Ngomu Yerusalem, Naledzi yo vha ranga phanda heneffho, heneffho tswititi kha hedikotasi dla dinomineisheni. Fhedzi musi vho rembulutshela thungo u itela yone, Naledzi ya vha ranga phanda. Ngomu mudini vha dzhena, ntha na phasi ha tshiñaraña. Vho elekanya uri mudi u do dala dakalo la Mudzimu. Ntha na phasi ha tshiñaraña, nga dakalo, vho ya, vha tshi khou zhamba, “Naa U ngafhi we a bebwaho e Khosi ya Vhayuda? Ro vhona Naledzi Yawee musi ro vha ri Vhubvađuvha, huno ro da u Mu luvha.”

²²⁹ Elelwani, Naledzi, vho ya vhukovhela. Vho vha vhe Vhubvađuvha. “Vha tshi rangelwa phanda vhukovhela, vha tshi kha di bvela phanda. Ri range phanda u ya...” Ni a vhona? Vhone zwa vhukuma vho vha... Vhone vho vha... Zwo luga, Babele na India Vhubvađuvha ha Palestina, u nga tshipembe-vhubvađuvha. Huno vho vha tshi ya vhukovhela. “U ranga phanda u ya Vhukovhela,” inwi ni a divha luimbo, “hu kha di bvela phanda. Ri endedzele kha itszo Tshedza tsho fhelelaho.” Ni a vhona? Vhone, vhanna vha vhužali, vho vha vha tshi da vhukovhela. Vha tshi ūwa Vhubvađuvha, vha tshi ya vhukovhela, huno vho vhona iyo Naledzi. Zwino, arali vho vha vhe ngei Vhukovhela, vha tshi sedzwa murahu, a vho ngo Tshi vhona. Ni a vhona?

²³⁰ Vhone, musi vha tshi swika henengei, Tsho vha endedzel a heneffho, zwenezwo Tsha vha ūtshela. Huno vho elekanya, “Hafha tshi hone. Naledzi yo ūwa, ngauralo ngeyi.” Vha mudini. Ngauralo, “Yawee, nñe-nñe,” vha ri, “muñwe na muñwe u khou

tou imba o takala. Vhugala ha Mudzimu ho funga tshiñwe na tshiñwe. Ngauralo, hafha ri hone. Ri a ñivha uri hashu—ri a ñivha uri u swikelela hashu, vhunga ro sedzä itsho tshivhunga, a hu na muñwe, a hu na muñe, a no ño ña ngeyo ntña huno a kokodza dzinaledzi fhethu huthihi. Huno ri a ñivha, musi idzo—musi idzo ñaledzi dzi tshi ña ngomu ha uyo muvhili wa taðulu, itsho ndi tshifhinga tsha Mesiae kha liphasi. Mesia u kha liphasi.”

²³¹ Huno miñwaha miñwe na miñwe minzhi nga maanda, vha fhira tshivhunga tshavho hafhu, inwi ni a vhona, huno zwenezwo hu na tshifhiwa tshi ñaho kha liphasi. Dzhielani nzhele.

²³² “Mesia u kha liphasi, musi itsho—musi itsho tshigwada tsha dzinaledzi tshi tshi kuvhangana.” Huno vho ñivha uri O vha e heneffo, ngauralo vho ya kha hedikotasi ya vhurereli, huno vha thoma u ya, vha tshi amba, ntña na fhasi ha tshiñarañta dzo ya, idzi gamela, “Naa U ngafhi? Naa U ngafhi? Naa U ngafhi we a bebwa e Khosi ya Vhayuda? Ro vhona Ñaledzi Yawe Vhubvaðuvha. U hafha huñwe fhethu. Naa U ngafhi? Naa U ngafhi? Naa U ngafhi?” Huh! Ndi u nyadziwa-de nandi!

²³³ Vho ya kha tshifhe muhulu. A amba, a nga ñi vha o ri, “Naa thaidzo ndi mini nga ha inwi vhatu? Mulandu, vho inwi tshivhalonyana tsha vha vhusweleli ho kalulaho!” Ni a vhona? Ndi u nyadziwa-de, kha u swikelela havho ha saintsí nandi! Nga maanda a Mudzimu, vho vhona Ñaledzi Yawe. Huno vho vha vhe vhanna vha vhuñali, vho thanya. Vho vha vhe tsimuni ya saintsí ya vhurereli. Huno vho ñivha, musi idzo ñaledzi dzo swika heneffo, Mesia o vha e huñwe fhethu. Huno hafha, fhethu he ha vha ho tea u vha ho zwi ñivha, a ho ngo ñivha tshithu nga Haþo.

²³⁴ Ndo vha ndi tshi ño humbulela, vhana vha ima tshiñarañtani, vha ri, “Ha! Sedzani izwo. Ha! Itsho ndi tshivhalonyana tsha vha vhusweleli ho kalulaho. Vha thetsheleseni, vha tshi khou ri, ‘Naa U ngafhi, o bebwaho e Khosi ya Muyuda?’ A vha ñivhi uri Heroda ndi khosi heneffha fhasi. A vha ñivhi Bishopo Mukene.” Yawee, nné-nnél!

²³⁵ “Naa U ngafhi we a bebwa e Khosi ya Vhayuda? Ro vhona Ñaledzi Yawe Vhubvaðuvha.”

²³⁶ Vha ri, “Idáni ngeno, vho inwi vhanna vha vhuñali hafha, u mona hafha.” Uh-huh. “Idáni ngeno. Naa ni a vhona inwe Ñaledzi huñwe fhethu?”

“Oo, a thi athu vhona tshiñwe tshithu tshi fanaho na Itsho.”

²³⁷ “Vho inwi vhagudanaledzi idáni ngeno. Naa no vhona inwe Ñaledzi huñwe fhethu?”

“Hai. Hai.”

“Naa no no vhona tshiñwe tshithu vhunga luñwe lushaka lwa tshiga tshi mangadzaho?”

“Hai. A ri vhoni tshithu tshi no nga itsho. Hai.”

²³⁸ A zwi athu, tshiñwe tshazwo. Zwenezwo zwithihi. A vha vhoni tshithu. Vha nga si kone u I vhona.

“Uh, kha ri vhidze ngomu vha—vhashumeli. Mini-ha nga ha vhoinwi vhoþe?”

“Hai. Riñe na khathihi a ro ngo vhona Naledzi.”

²³⁹ “Zwo luga, mini-ha nga ha vhoinwi vhanna vha no vhulunga tshifhinga, ngeno nn̄da kha luvhondo? Inwi ni sedza dzinaledzi. Vhoinwi ni a ðivha... Vhoinwi ni a ðivha hune tshivhunga tshiñwe na tshiñwe tsha vha hone kha maþadulu. Inwi ni ðivha naledzi iñwe na iñwe. Naa no vhona tshiñwe tshithu?”

“Hai. A ro ngo vhona tshithu.” Fhedzi Tshi hone.

²⁴⁰ Vhugala kha Mudzimu! Yawee, nñe-nñe! Ni kona u Tshi vhona? Tshi heneffo zwino, huno a vha koni u Tshi vhona. Tshi khou bvela phanda, heneffo u mona navho, huno a vha koni u Tshi vhona.

²⁴¹ “Hai. A ro ngo vhona tshithu. Oo, ndo ya henengei. A tho ngo vhona tshithu.” Ngoho, a ni iti. Zwo tou pofulesa. A si zwanu uri ni Tshi vhone. Ni a vhona? Arali no pofula u swika afho, mulandu, ngoho, ni nga si Tshi vhona.

²⁴² Tshi tou vha kha avho vhane Mudzimu a ðo vha dzumbululela Tshone. Avho ndi vhane vha Tshi vhona. Tshifhinga tshoþe vha nga iyo ndila. Ngoho.

²⁴³ Ho vha hu Noaxe we a kona u vhona mvula lutomboni, inwi ni a ðivha, fhedzi vhañwe vhoþe a vho ngo kona u zwi ita. Ni a vhona? A vho ngo vhona mvula ngei n̄ha, fhedzi Noaxe u a i vhona.

²⁴⁴ Ho vha hu Abraham we a vhona Sarah o fara lushie. Izwo ndi zwone. A si vhagoði vhe vha ri, “Khotsi a dzitshaka, naa ni na vhana vhanganza zwino?”

²⁴⁵ Nga ndila ine ri nga kona u da fhasi nga kha Bivhili, vhavhuþali nga maanda na vhaporofita, ndilani yoþe! “Lutendo ndi vhutanzi ha zwithu zwi songo vhonwaho.” Vha a ðivha uri Ipfi lo zwi amba, huno heneffo li hone. *Hafha* hu na vhutanzi hazwo. Vha a vhu vhona. Zwino dzhielani nzhele. Yawee, nñe-nñe!

“Vhanna vhashu vho þalifhaho a vha vhoni iyo Naledzi. A hu na tshithu Khayo.”

²⁴⁶ Ndi ngani? Zwa vhukuma, musi vho vha vho sedza, huno vha dzhena nga ngomu na tshigwada tsho raloho, Naledzi yo bva.

²⁴⁷ Zwenezwo zwithihi ñamusi. Izwo ndi zwine zwa dzima Tshedza tsha vhanzhi, izwo ndi zwone, ndi u vha na vhuþumani na tshigwada tsho raloho, tshire tsha sa tende Tshi tende, fhethu ha u thoma. Na uri ri khou yo vha hani na vhu—vhuthihi ha zwivhidzo? “Naa ri khou yo shuma hani roþe nndani ha musi ro andana?” Naa vhuþedzani ha... ha izwi hafha, liphasini loþhe,

zwoṭhe zwi—zwivhidzo, zwivhidzo zwe ṭanganaho zwa shango? Naa ri khou yo ṭanganana hani roṭhe, musi ro fhandekana nga maela ya dzimilioni? Ni a vhona? Naa ri khou yo zwi ita hani? Vhaevangeli vha na riṇe, huno *avha*, na *avho*, na *avho*, na vhothe vho ṭanganana, nahone vho no ṭanganana na davhi ṥa u tshinyala lo raloho.

²⁴⁸ Mudzimu u khou wana Mufumakadzi o ṭambaho, mukhethwa, a songo vanganaho, a no dzula na Ipfi Ḷawe. Zwo luga.

²⁴⁹ U nyadziwa ha Yesu nga nthani ha Ipfi. (Huno zwenezwo ri do ima, nga muniti fhedzi.) Yesu o nyadzelwa Ipfi. Sedzani hafha. Naa O vha a tshi nga kondelela hani u nyadziwa, musi O vha e Mukhethwa, Mudzimu o itaho vhudzulo kha muthu? O vha e Mudzimu, Ene muṇe, o itwaho ḥama.

²⁵⁰ Zwino, inwi ni a ḫivha uri Bivhili yo amba nga u ralo. “Ro Mu fara. Vharuṇwa vho Mu vhona.” Itonu elekanya nga ha izwo. Ndi tenda uri Timotheo u zwi ḥwala tshiñwe tshithu tshi no nga itsho. Ni a vhona? Izwo, “Hu si na khanedzano ndi tshihulwane tshiphiri tsha u ofha Mudzimu; ngauri Mudzimu o vhonadzwa ḥamani, a vhonwa nga Vharuṇwa.”

²⁵¹ Vharuṇwa vho vha vhe kha mabebo Awe. Nga ndila ine Vharuṇwa vha fanela u vha vho sedza fhasi huno vha takala, musi vha tshi sedza fhasi mukungwani huno vha vhona Mudzimu o ḫiitela vhudzulo kha muthu. Amene. A si tshimangadzo vha tshi thoma u zhamba, “Namusi, muđini wa Dafita, ho bebwa Kristo Mutshidzi.” Vharuṇwa vho takala, huno vha dembetita phapha khulu dzavho fhethu huthihi, na nga nthā ha mivhundu ya Yuda, vha imba, “Vhugala kha Mudzimu wa nthesa, mulalo kha lifhasi, na vhudipfi vhu thusaho kha vhathu.” Vho vhona Ipfi ṥa Mudzimu, le vha ḥi sedza, u vhona ḥo vhonadzwa. Huno henehfo ḥo vha ḥi hone.

²⁵² Zwino, Saṭhane ho ngo tenda izwo, inwi ni a ḫivha. O ri, “Arali Iwe u . . .”

Muruṇwa o ri, “U hone.” Iyo ndi yone phambano.

“Arali Iwe u, ita *tshikeneñene*. Kha ri vhone Iwe u tshi zwi ita.”

Fhedzi Murunwa a ri, “U henehfo.”

²⁵³ Vhanna vha vhuṭali nga saintsyi yavho ya vhurereli, vha ri, “U henehfo.” Amene.

²⁵⁴ Itsho ndi tshone tsho itisaho uri vhađivhađivhazwakale na tshiñwe na tshiñwe ḥamusi vha gwe izwi zwithu, zwe zwa porofitwa miňwahani i si gathi yo fhiraho, zwine zwa do khunyelela. Huno hafha vha hone, vha khou gwa. Vhone na khathihi a . . .

²⁵⁵ A hu na ḫivhazwakale ye ya vhuya ya ri Pontiasi Pilato o vhuya a vha ḥi lifhasi. Naa izwo no zwi ḫivha? Vhaṇwe vha

vhoinwi vhana vha tshikolo ni a mmbudza nga ha huñwe fhethu kha divhazwakale he ha ri ho vha hu na Pontiasi Pilato. Huno vha sa tendi vha a zwi goda huno vha tamba ngazwo, vha ri, "Na khathihi a ho ngo vha na mu—mulangi wa Vharoma o rinwaho, o rinwaho mu—muvhusi, Pontiasi Pilato." Fhedzi kha vhege dzi ᲇodaho u swika dza rathi dzo fhiraho, vho gwa tombo la u pfufha: Pontiasi Pilato, muvhusi. Yawee, nñe-nñe! Vhuṭafuṭafu ho raloho!

²⁵⁶ Vho ri, "Na khathihi ho vha hu si na Rameses kha divhazwakale, Rameses kha la Egipita." Fhedzi vho gwa tombo, vhugudamvelele: Rameses, wa vhuvhili. Dzhielani nzhele.

²⁵⁷ Huno vha amba uri idzo mbondo na khathihi a dzo ngo wela phasi. Vhadivhadivhazwakale vho vha vha tshi khou gwa u mona hothe, huno, tshitihu tsha u thoma ni a divha, vho gwa, u tsa phasi ngomu ha he mbondo dza wela phasi kha la Yeriko, inwi ni a divha, musi lufhalafhala lu tshi lila. Vho ri, "Izwo two vha zwi tshi tou vha lungano lu siho, luimbo lwe muñwe muthu a amba, a imba murahu hangei." Iina. Mugodi o amba izwo. "Izwo two vha zwi tshi tou vha lungano lu siho. Ho vha hu si na tshitihu tsho raloho sa mbondo dzi tshi wa, huno Yoshua a tshi khou thuthubisa lufhalafhala, huno a gidimela ntha ha mbondo huno a tsela phasi. Na khathihi ho vha hu si na tshitihu tsha u ralo." Huno muñwe mugudamvelele a dzulela u gwa, ngauri o zwi divha uri zwi tea u vha nga u ralo. O gwa fithi dza furaru na zwithu zwi sa pfecteswiho, phasi he vhañwe vhothe vha vha vhe hone. Ho vha hu na mbondo, dzo ᲇophekana, vhunga Ipfi lo amba.

²⁵⁸ Vha ri, "Ho vha hu si na tshitihu tsho raloho sa Dafita a tshi vhuya a tambisa tshishumiswa tshawe, haripa ya lutsinga, ngauri muzika wa lutsinga wo vha u sa dihwi u swika nga ñwahadana wa fumiñthanu." Ha pfi, "Na khathihi ho vha hu si na tshitihu tsho raloho." Vhadivhadivhazwakale vha Vhukriste vho gwa, phasi ngei Egipita. Minwaha ya zwigidi zwiñia yo fhiraho, vho vha vhe na zwishumiswa zwa lutsinga. Amene. Yawee, nñe-nñe!

²⁵⁹ Vho amba, nga ha vhana vha Vhahevheru vha tshi ita ayo matombo na zwithu nga u ralo, nga hatsi, "Ho vha hu si na tshitihu tsha u ralo." Vhadivhadivhazwakale vho ya u gwa heneffo. Naa vho wana mini? Iyo ndi saints. Naa vho wana mini? Mbondo dza muđi we Vhahevheru vha fhaña, luvhemba lwa u thoma lwa matombo lwo vha lu hatsi vhulapfu; lwa vhuvhili lwo vha lwo remiwa lwa bva zwipida zwiñuku zwa zwiguthe zwa mañanga; huno lwa vhuraru lwo vha lu si na hatsi ngomu halwo, na luthihi. Yawee, nñe-nñe!

Tshaka dzi khou vutshelana, Isiraele i khou
vuwa,
Zwiga zwe vhaporofita vha bvumba.

²⁶⁰ Ee, muñe wanga. Zwo sudzulutshela zwothe u swika kha rine, mukomana, khaladzi. Naa ndi ngani zwo ralo? Kha miñwaha yo fhiraho i si gathi, na khathihi shango la filimi a lo ngo vhuya la ita zwe la ita. Kha tshikirini hu da nganea ya *The Ten Commandments* nga zwa Cecil DeMille. Kha tshikirini hu da vhutshilo ha Yesu Kristo nga kha *Ben Hur*. Kha tshikirini hu da *The Big Fisherman*, u rembuluwa ha Petro. Huno iyi mitambo yothe ya vhurereli, ye baisikopo ya hana, huno ya shata tshika, nahone ya posela kule. Fhedzi, Mudzimu, nga maanda Awe mahulu, o zwi thuthubisa, u tou fana.

²⁶¹ Zwa zwino, izwo zwithu zwo ambiwa miñwahani i si gathi yo fhiraho, mulanda a ḫungufhadzaho, muṭuku a ḫitukufhadzaho, nne muñe, wa Mudzimu. Nda ri, “Hu na Tshedza tshe tsha ima huno tsha amba na nne, huno tsha mmbudza zwithu zwine nda tea u ita.” Vhathu vho sea huno vha ri, “Ndi ene tshithu tshiṭuku tsha ḫoho.” Hu na tshifanyiso Tshazwo. Saints yo Tshi dzhia. Tshi hone. Ndi Ngoho.

Nda ri, “Musadzi u na murunzi wa lufu.”

²⁶² Vha ri, “Sa murunzi, zwino, uvho ndi vhuṭafuṭafu. U tou ita izwo ḫalukanyoni yawe.”

²⁶³ Ngetsho tshifanyiso tshazwo. Mudzimu u do ita uri matombo a lile. U a kona u ita zwine A ḫoda.

²⁶⁴ Yesu, u nyadziwa nga nthani ha Ipfi. Murwa wa Mudzimu Mukhethwa o ima henefho, Imanuele, ndi u nyadziwa-de nandi! I ri ni muitazwivhi a sa tendiho a Mu vhofhe, a pfele mare tshifhaṭuwoni Tshawe, huno a kokodze zwidalatshanda zwa ndebvu nn̄da, huno a Mu shushedze uri a ite tshinwe tshithu nga hazwo. U nyadziwa ha Ipfi! Uh-huh. Mini? U khunyeledza Ipfi la Khotsi. Oo! Fhedzi, elelwani, U fanela u kondelela u nyadziwa ha lufu. Mudzimu, Ane a sa kone u fa, huno Ene fhedzi we a kona u fa uri a tshidze muitazwivhi. A hu na muñwe-vho, a hu na muthu wa vhuvhili kana muthu wa vhuraru, ane a nga kona u zwi ita. Mudzimu Ene muñe ndi Ene fhedzi ane a nga zwi ita. Huno hafha O vha e hone.

²⁶⁵ O ri, “A hu na munna we a gonya nthā nga nn̄da na Uyo we a tsela fhasi, ene Murwa-muthu ane zwino a vha ngei Ṭaḍulu.” Amene.

²⁶⁶ Vha ri, “Vhokhotsi ashu vho la mana ngei sogani.”

“Huno vho fa,” A amba.

“Huno Iwe u ri U Tshinnkwa tsha Vhutshilo?”

²⁶⁷ A ri, “Abrahamu a sa athu vha hone, NDI HONE. Ndi Tshinnkwa tsha Vhutshilo. Ndi nne NDI HONE.”

²⁶⁸ Vha ri, “Iwe a u na miñwaha ya fuṭhanu nga vhukale, huno u ri Wo ‘vhona Abrahamu’?”

²⁶⁹ A ri, “Abrahamu a sa athu vha hone, NDI HONE.” Huno zwenezwo tendelani vhaitazwivhi vha Mu vhofhe, tshivhidzo tsha dinomineisheni, tshi Mu vhofhe.

²⁷⁰ Inwi ni a elelwa, nga duvha la u fhedzisela, itsi tshivhidzo tsha Laodikea tsho pfumaho, vho Mu bvisela nn̄da, nahone, kha tshivhidzo. Inwi ni a vhona hune tsha vha hone zwino? Ni kona u vhona uri ndi ngani ndi tshi khou vhidzelela u hanedzana na iyo sisteme? [Tshivhidzo tshi ri, “Amene.”—Mudz.]

²⁷¹ Ndi ngani Yesu o tendela vhaitazwivhi u Mu vhofha? Ho vha hu u khunyeledza Ipfi, u disa u nyadziwa kha Mudzimu, a tshi fa. Mudzimu o do tea u fa. O do tea u vha ñama, u itela uri a fe. Huno Yesu o divha izwo. Ó vha vhudza nga hazwo. O ri, “Thuthani iyi thembele, huno Ndi do i vusa hafhu.” A si muñwe muthu o i vusaho. “Ndi do i vusa. Nga mađuvha mararu, Ndi do i vhuisa hafhu. Inwi i thutheni; Ndi do i vusa. Vhunga Yona o vha e thumbuni ya khovhe ya vhimbi, lwa mađuvha mararu na masiku, ngauralo Murwa-muthu u fanela u vha mbiluni ya lifhasi.” Huno a who ngo vhuya vha zwi pfesesa. Ni a vhona? U nyadziwa nga nthani ha Ipfi, O—O ralo.

²⁷² Zwino, o godiwa u swika lufuni, u vuwa hafhu u ya kha Vhutshilo Vhu Sa Pheli. Ene o do tea u thoma a vhulawa, u itela uri A kone u vuwela kha Vhutshilo Vhu Sa Pheli, huno a disa muñwe muthu (we a vha e nga tshivhumbeo Tshawe) kha Vhutshilo Vhu Sa Pheli, a no do Vhu ṭanganedza. Ni a vhona? U vha muthu, u vha Murengululi wa lushakani, huno o do tea u kondelela u nyadziwa ha u godiwa hothe, na hothe u tambiwa ngae, u tou fana na vhalanda-nga-ene Vhawe vho ita phanda Hawe. Vhunga Mushe, vhunga Noaxe, vhunga vhañwe vhothe vho kondelela uho u godiwa, O do tea u kondelela u godiwa. Ndi ngani? Ó vha e na Ipfi, nahone O vha e Ipfi. Itshe ndi tshone tsho itisaho uri vha Mu gode lwo engedzeaho u fhira sa misi. O vha e Mukhethwa na Ipfi Lone line. Haleluya! Izwo ndi zwa zwa Mu ita.

²⁷³ Yesu o amba, “Vhoinwi vhahoi.” Ha pfi, “Ni fhaṭa mavhiđa a vhaporofita, huno ndi vhoinwi vhanne na vha panga ngomu heneffo. Vha da na Ipfi la Mudzimu, huno a no ngo vha tenda. Ni na mulandu wa muñwe na muñwe wavho.”

²⁷⁴ Ngei Phoenix, Mudzimu a tshi funa, ndo rwa ipfi liñwe duvha. Ndi khou yo vhona mulandu uyu murafho nga ñwambo wa u vhulaha Yesu Kristo, u tshi Mu vhamba nga huswa. Ndi khou yo disa u vhona mulandu phanda ha iyo nyandano ya vhashumeli, Mudzimu a tshi funa. Vha na mulandu wa Malofha a Yesu Kristo, nga u Mu vhamba nga huswa. Ee, muñe wanga. Ndi vhona mulandu wothe!

²⁷⁵ Petro o vha vhona mulandu, nga Duvha la Pentekoste. O ri, “Vhoinwi nga zwanda zwivhi no vhamba Mukololo wa

Vhutshilo, We Mudzimu a mu vusa. Ri dzithanzi.” O disa u vhona mulandu.

²⁷⁶ Ndi khou yo dzhia Ipfi la Mudzimu, nda vhona mulandu dinomineisheni iñwe na iñwe i re hone, na muthu muñwe na muñwe kha tshifhatuwo tsha liphasi, a re na mulandu wa Malofha a Yesu Kristo. Mudzimu nthuse u vha ramilayo Wawe nga ilo duvha. Amene. Ee.

²⁷⁷ Oo, vhagodi vho tamba Ngae. Vho Mu nyadza. O dzula henefho Nało. Amene. Oo! Sedzani zwe A ita. O vha e Murwa wa Mudzimu, o tambula lufu u itela uri a vhulahe tshivhi. O do tea u ita izwo. Yone . . . Iyo ndi yone ndila fhedzi ye tsha vha tshi tshi nga vhulawa. Huno O ita itsi, huno a tshi kondelela, ngauri vhañwe vhothe vho ita.

²⁷⁸ Ngauri, vhone vhothe ngei murahu vho vha vhe na Ipfi la Mudzimu liñuku. Ngauri, Yesu o amba nga u ralo. “Lone—lone Ipfi la Murena lo dela vhaporofita. Huno ndi nnyi wavho,” A ri, “we vhokhotsi anu, vhurereli ho dzudzanywaho hanu, ha sa kande nga matombo na u vhulaha? Naa ndi nnyi wavho we a tanganedza vhaporofita? Zwenezwo ni fhaña mavhida avho nga murahu ha musi vho no ḥuwa.” Ha pfi, “Ni na mulandu wa u vha vhea ngomu henefho.”

²⁷⁹ Zwenezwo U vha nea tshifanyiso nga ha tsimu ya muñokola, huno vhaqinda vha a da. A vho ngo vha fara zwavhuđi, zwenezwo mafhedziseli vha ri, “Zwino ri do vhulaha murwa, ngauri ndi mulaifa wavho.” Ni a vhona? Oo, vha sinyuwa musi vho vhona izwo. Ni a vhona?

²⁸⁰ Fhedzi O do tea u kondelela u nyadziwa. Huno hafha O Divhofhisa, a ranga phanda u ya lufuni, u itela u vhulaha, u vhuisa Vhutshilo Vhu Sa Pheli. Vhugala kha Mudzimu! Oo, nga ndila ine nda Mu funa! Vhuisa Vhutshilo Vhu Sa Pheli huno u vuse murwa muñwe na muñwe wa Mudzimu, fhasi nga kha tshikhathi, vhe vha dzula na ilo Ipfi huno vha dzhia u nyadziwa. Izwo ndi zwone.

²⁸¹ Arali A songo da, Noaxe ho ngo kona u vuwa. Arali A songo da, Eliya ho ngo kona u vhuya. Arali A songo da, Noaxe o vha a sa nga vuwi na khathihi, arali O vha a songo kona . . . arali O vha a songo da. Ngauri, O vha e iyo Ngwana yo tiwaho, i no da u dzhia u nyadziwa kha Ene muñe, huno a fa lufu u itela Ipfi la Mudzimu liñwe na liñwe le la ambiwa, huno avha vhanna vho lugaho vho zwi kondelela. O do tea u vha nga u ralo. A hu na muñwe-vho we a vha a tshi nga kona u zwi ita. Mudzimu Ene muñe, huno U a da huno A dzhia fhethu, uri A kone u rengulula na u nea Vhutshilo Vhu Sa Pheli kha murwa wa Mudzimu muñwe na muñwe we a kondelelela Ipfi lenelo lithihi huno a tshi do tambula nga u nyadziwa. Murwa wa Mudzimu muñwe na muñwe, fhasi nga kha tshikhathi, a no do kondelela u nyadziwa, ho vha hu si na muñwe

we a vha a tshi kona u mu rengulula, fhedzi nga lutendo o vhona uyo Murengululi a tshi da.

²⁸² Yobo o Mu vhona. Yobo o imela murahu heneffo, huno vha ri, "Oo, ni muitazwivhi wa tshiphiri. Mudzimu u khou tou sa ni fara zwavhuđi, ngauri ni muitazwivhi wa tshiphiri."

²⁸³ A ri, "Ndi a divha uri Murengululi wanga u a tshila. Nga mađuvha a u fhedzisela U do ima kha liphasi. Naho mbungu dza lukanda dzi tshi tshinyadza uyu muvhili, naho zwo ralo, namani yanga ndi do vhona Mudzimu."

²⁸⁴ Mufumakadzi wawe a ri, "Ndi ngani ni sa Mu semi huno na fa?" Ha pfi, "Inwi ni vhonala sa muthu a songo takalaho."

²⁸⁵ A ri, "Inwi ni amba sa musadzi wa tsilu." Amene. Heneffo O vha e hone. "Ndi a divha uri U a tshila, huno U do ima nga Duvha la u fhedzisela."

²⁸⁶ Arali Yesu o vha a songo da, Yobo o vha a tshi do vha a songo rengululwa, ngauri O vha e Ngwana yo vhulawaho u tehwani ha shango. O divha fhethu Hawe. O divha vhuimo Hawe.

²⁸⁷ Itsho ndi tshone tshiitisi, Maria o limuha uvho vhuimo, lila duvha musi a tshi bva heneffo. O ri... "Arali nda... Inwi no vha ni hafha, khaladzi anga o vha a tshi do vha a songo fa."

A ri, "Khaladzi au u do vuwa hafhu."

Ha pfi, "Ee, Murena, kha mvuwo. O vha e mutukana wavhuđi."

Yesu o ri, "Fhedzi NDI NNE iyo mvuwo. Naa u a tenda izwi?"

²⁸⁸ A ri, "Iina, Murena, ndi a tenda uri Iwe u Murwa wa Mudzimu we a vha a tshi tea u da shangoni."

A ri, "Naa no mu swiđa ngafhi?" Oo! Ni heneffo. Um-hum.

²⁸⁹ A zwi limuwa. Uyo musadzi mutuku o vha a sa khou amba izwo. O vha e na vhodiabolo vha sumbe vhe vha pandelwa khae. O divha maanda a Mudzimu, e a vha a tshi nga dihudza na mutsiko na tshinwe na tshinwe, kule nae, izwo zwo vha zwi tshi nga dzhia uyo myua mutuku, wa tseda wa tshikolo tsha ntha khae, huno wa mu ita tshivhumbwa tshiswa. O pandela vhodiabolo vha sumbe. Avho vhasadzi vho divha zwe A vha e zwone, we a Mu tanganedza.

²⁹⁰ Vha divha zwe A vha a tshi nga kona u vha itela zwone. Ngauralo vha a ita namusi, na vhone-vho. Itonu zwi tanganedza. Itsho ndi tshone tshithu tshi tevhelaho.

²⁹¹ U heneffo. Wa musadzi o amba izwo. Huno O... Inwi ni a divha zwe zwa itea. Oo!

²⁹² Vhothe vhane vha do tambulela lenelo Ipfi lithihi, O fela ilo vhanga. O vha e Ene fhedzi we a vha a tshi nga kona u fa, u zwi ita, ngauri O vha e Ipfi. O vha e Ipfi, Ipfi lo vhonadzwaho. Vhanwe vhothe vho vha vhe na u tsela phasi zwituku, fhedzi hafha ho vha hu na vhudalo ha Mudzimu, Khae. U a fana namusi.

Vhaheberu 13:8, “Yesu Kristo ha shanduki mulovha, ḥamusi, na lini na lini.” Thetshelesani.

²⁹³ Ndi khou vala, zwa vhukuma. Ndi khou yo zwi ita, ndi tea u ralo. Ndo fhira tshifhinga nga kule.

²⁹⁴ Ene na khathihi ho ngo ḥwala ipfi lithihi. Naa O ralo? [Tshivhidzo tshi ri, “Hai.”—Mudz.] Na khathihi ho ngo ḥwala ipfi. Ndi ngani? O vha e Ipfi. O vha e mini? Ipfi lo ḥwaliwaho, O vha e u vhonadzwa ha ilo Ipfi. Vhugala! Whew! Zwino ndi pfa ndi wavhudī. O vha e Ipfi. Ho ngo tea u ḥwala tshithu. O vha e Ipfi, ili Ipfi lo ḥwaliwaho lo vhonadzwa. Vhugala kha Mudzimu! Ha shanduki ḥamusi, mulovha, ḥamusi na lini na lini. Ndi ene Ipfi, Ipfi lo vhonadzwaho.

Inwi ni ri, “Naa izwo ndi zwone, Mukomana Branham?”

²⁹⁵ Sedzani Yehovah a tshi ima murahu heneffo huno a vula ndila u budekanya magabelo vhunga hangei, huno a ita bada ya Isiraele u pfuka ngayo.

²⁹⁶ Sedzani Jehovah ḥamani, a tshi ri, “Mulalo, dzika.” Musi magabelo o vha a tshi rwa dziphiliphili, kha ḥumbu, huno diabolo a tshi ḥanzwa tshiñwe na tshiñwe, vhunga izwo, A ri, “Mulalo, dzika.” Huno lo Mu thetshelesa; mimuya na zweþhe. O vha e Jehovah. Amene.

²⁹⁷ Uri Jehovah u tea u ima hangei huno a shasha marotha a ḥwando, a a litsha a wela kha ḥifhasi huno a ita tshinnkwa, u fusha vhathu.

²⁹⁸ O ima huno a dzhia khovhe ḥhanu, kana, bisikiti ḥhanu na khovhe mbili, huno a kanzwa vha zwigidi zwit̄anu.

²⁹⁹ O vha e Ipfi. Amene. Amene. Ndi ene Ipfi, huno misi yoþhe u do vha Ipfi. Huno nñe na nndu yanga, ri do shumela Ipfi.

Oo, ndi ḥoda u Mu vhona, ḥoda u sedza kha tshifhaþuwo Tshawe,
Heneffo imbani lwa lini na lini lwa tshilidzi tshi tshidzaho Tshawe;
Zwiþaraþani zwa Vhugala, i ri ndi takuse ipfi langa;
Musi mbilaelo dzo fhira dzoþhe, hayani mafhedziseloni, u takala nga misi.

³⁰⁰ Yawee, nñe-nñe! Ee. Hwalani u nyadziwa ha Ipfi. Hu na u nyadziwa hu tshimbilaho na Ipfi. Dzulani heneffo na Ipfi, huno ni hwale u nyadziwa.

Kha ri rabele.

³⁰¹ Yesu, sa vhunwe vhusiku, Murena, ndo vhidzelela, “Oo Yesu, naa U do ḥoda ndi tshi itani? Naa ndi nga ita mini, Murena? Ri tshi vhona izwi zwithu, huno ri tshi qivha awara ine ra khou tshila, naa ndi nga ita mini, Murena? Naa ndi nga ita mini?”

³⁰² Ndi rabelela tshivhidzo tshanga tshiṭuku fhano, Murena. Ndi elekanya nga ha zwiṇoni zwiṭuku kha bono, zwithu two vhaho hone; na zwiṇwe zwiṇoni, zwē zwa vha zwi zwithu zwiḥulwane. Fhedzi ho vha hu na deke tharu dzavho, Murena. Fhedzi musi avho Vharuniwa vha tshi dzhena ngomu, ho vha hu si na zwiṇoni two salaho. Vhadinda vhaṭuku vho vha vha tshi mangadza, Murena, fhedzi ndi a tenda uri hu na tshiṇwe tshithu tshi no khou ṭoda u itea. I ri zwi ralo, Murena. Ri vhumbe huno u ri ite nga ndila Yau. Riṇe ri—riṇe ri vumba. Iwe u Muvhumbi.

³⁰³ Kha aya madekwana a Khushumusi, Murena, ri a livhuwa tshifhiwa tsha Mudzimu, u itela Mudzimu a tshi ri ḥea. Naho izwi zwi zwiṇwe, vhunga ri tshi tenda mbiluni dzashu, vhuṇwe vhutendadambi ha vhuhedeni ha ḥuvha he vha lingedza u zwi vhumba huno vha zwi ita uri zwi nge tshi—tshilalelo, tshilalelo tsha Kristo, fhedzi a ri khou ḫa nga iyo ndila ya Santa Claus na miri ya Khushumusi na—na dzikhavhiso. Fhedzi ri khou ḫa nga Dzina ḫa Murena Yesu, u luvha Mudzimu wa Taḍulu, we a itwa uri a wane vhudzulo kha muthu, e muswa vhunga riṇe, huno a dzula vhukati hashu, u ri rengulula; huno o tambula u nyadziwa ha Dzina, o tambula u nyadziwa ha tshifhambano, u tendela tshimiswa tsha shango u vhulaha Imanuele, u itela uri A kone u ri disela Vhutshilo Vhu Sa Fheli.

³⁰⁴ Naa ri vhonnyi, Murena? Naa ri vhonnyi, uri ri tea u hana huṇwe u nyadziwa? Mudzimu, ri ite maswole a re na tshivhindi. Ndi kumedzela aya maipfi kha Iwe, Khotsi. A nga di vha o vundekana; ndo neta na u fhela nungo nga ndila ine nda vha ngayo. Fhedzi, Khotsi, ḥea avha vhathu malamba a u dzula na u thetshhelesa. Huno ngavhe maanda e a vhuisa Murena, huno a ḥekedzwa kha riṇe hafha sa Mutshidzi, kha aya mađuvha a u fhedzisela, ngavhe a tshi hanyisa muya muṇwe na muṇwe ngomu hafha, Murena, u ya kha u vha tsini ha u Da ha Murena Yesu. Ngavhe zwi tshi vha nga u ralo, Khotsi.

³⁰⁵ Fhodza vhalwadze na vha ḥupheaho vha re vhukati hashu. Phupha vha mbilu dzo kwashekanaho. Murena, riṇe ri... Ro fhira kha zwinzhisa, mbilu yanga i na mavhadzi manzhi khayo, Murena, a bvaho kha nndwa dzi kondaho. Ndi mudziatshenzhemo wa kale. Nthuse, Murena. Ndi ṭoda thuso Yau. Ngavhe uhu u pfumbudzwa ho vha na ndivho. Ndi a fulufhela uri yo vha hone, Murena. Nthuse, Oo Mudzimu. Huno thusa itshi tshivhidzo. Huno ri fhaṭutshedze, roṭhe.

³⁰⁶ Fhaṭutshedza vhana vhaṭuku. Ndi khou elekanya nga ha vhanzhi ḥamusi, vhaṭuku, vhathu vhaṭuku vha ḥungufhadzaho a vha nga ḥanganedzi tshiṇwe tshithu tshi bvaho hafha. Huno ndi—ndi rabela uri U ḫo vha navho huno wa vha thusa. Vha nee Vhutshilo Vhu Sa Fheli, Murena. Itsho ndi tshihulwane... itsho ndi Tshifhiwa tsha Khushumusi tshire ra tshi ṭoda, ndi Vhutshilo ha Yesu Kristo u vhusa na u langa mbiluni yanga. Izwo ndi zwine nda ṭoda, Murena.

³⁰⁷ Ri fhaṭutshedze, roṭhe zwino. Ri kumedza aya Maipfi kha Iwe. I ri a wele huṇwe na huṇwe hune a do funa, Murena. Huṇwe na huṇwe hune mbilu dza vulea, ngavhe dzi tshi ḥisa phanda tshifhinga tshihulwane tsha tshidzo, nga Dzina la Yesu. Amene.

³⁰⁸ Misi yoṭhe uyo . . . Ndi vhangana vha Mu funaho? [Tshividzo tshi ri, “Amene”—Mudz.] Ivhani kha u ṭavhanya ho raloho nga ha, naho zwo ralo? Oo, ndi a Mu funa! Ndi a Mu funa. “Murena, naa U do ḥoda ndi tshi itani?”

³⁰⁹ Ni songo hangwa dzitshumelo madekwana a namusi. Inwi ni a divha zwine Khushumusi ya amba zwino? Oo, *Itshi* ndi tshifhiwa tshanga tsha Khushumusi. *Ili* ndi ilo Ipfi. Murena, arali ndi tshi nga kona u ditendela, arali ndi tshi nga dibvisa ndilani u itela uri Ipfi Lau li Zwi ambe, Lone line nn̄da nga kha *hafha*, itsho ndi—itsho ndi tshithu tshihulwanesa tshine nda tshi divha.

³¹⁰ Zwino ndi a elekanya uri vha na zwiṇwe zwithu zwine vha ḥoda u nea vhana. Zwino ndi do humisela tshumelo murahu kha Murathu Neville. Mudzimu a ni fhaṭutshedze.

Murathu Neville.



U NYADZIWA NGA NTHANI HA VHANGA LA IPFI TSV62-1223
(The Reproach For The Cause Of The Word)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Nyendavhusiku 23, 1962, Thaberena keleleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi t̄halutshedzo ya Tshiven̄a yo gandiswa huno ya phādaladzwa nga vha Voice Of God Recordings.

TSHIVENDA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org